

# *JEHOVA-JIRE* <sup>1</sup>

 Ha re tsoeng re sa eme nakoana re inamise lihloho tsa rona bakeng sa lentsoe la thapelo. Ha re inamisa lihloho tsa rona, bosiung bona ke a ipotsa ke ba bakae ba ratang ho hopoloa thapelong, u e na le ho hong pelong ea hau u batlang hore Molimo a u etsetse sona, phahamisa matsoho a hau feela. Morena a abe likopo tsena joale ha re inamisa lihlooho tsa rona le lipelo tsa rona pela Hae.

<sup>2</sup> Ntata rona ea Leholimong, re atamela Terone ea Hau ea Mohau hape, ka Lebitso la Jesu Kreste, Mora e moholo oa Molimo. Re U leboha ka monyetla ho tla ka kholiseho e reng U tla utloa le ho araba seo re se kopang. Re a rapela, Ntate, hore U tle u re tšoarele libe tsa rona, ke ho re, ho se lumele ha rona. 'Me, Ntate, re U rapela ho re fa tumelo, nala ea tumelo bosiung bona. 'Me U tseba se neng se le ka mora letsoho le leng le le leng mono, tlase pelong. Ba ne ba hloka ntho e 'ngoe, Morena. Ba phahamisitse matsoho a bona ka hlompho, ba lebeletse ho hong ho tsoa ho Uena. 'Me ke a rapela, Ntate ea Maholimong, eng le eng, e tle e neoe batho.

<sup>3</sup> Re U leboha ka ketelo ea maobane mantsiboea. Re U rapela ho busetsa ho rona ka ho khaphatseha ha matla le mohau, le ho re nea litakatso tsa lipelo tsa rona, hoba, ruri takatso ea rona ke ho etsa Thato ea Hau le ho bona ho etsoa Thato ea Hau. 'Me re tseba Thato ea Hau mabapi le bakuli, Ua na oa phafoa mokokotlo oa Hau bakeng sa pholiso ea rona, "Re folisitsoe ka maqeba a Hae." 'Me, Ntate, re rapela hore—hore Thato ea Hau e kholo e etsoe bosiung bona, ho re fa tumelo ea ho lumela hoo, ka ho khaphatseha, e le hore mokuli e mong le e mong a tle a fole, 'me motho e mong le e mong ea lahlehileng a tle a hopole hore U hlabetsoe littolo tsa rona. Aba sena, Morena.

<sup>4</sup> Ba tsebe hore ha feela e—e Sehlabelo se mali se lutse Mono bakeng sa bona, libe tsa bona li ke ke tsa bonoa ke Molimo. Empa ha ba ka shoa ba sa paka Hoo phatlalatsa le ho E amohela, le ho tsoaloa labobel, ho ke ke ha ba le mokhoa ho bona ho kena 'Musong le ka mohla. 'Me bona e be bosiu boo motho e mong le e mong ea seng tlas'a Madi a hohobele kapele tlas'a Mali bosiung bona, ka Lebitso la Morena Jesu. 'Me re tla U thoriso. Amen.

<sup>5</sup> Ke monyetla o moholo haholo ho ba mona bosiung bona le ho bua hape. 'Me maobane mantsibua re bile le nako e monate haholo, ketelo ea Morena. Empa ka le tšoarella halelele haholo. Ha ke khone ho tšoara nako, ka mokhoa o itseng.

<sup>6</sup> Letsatsi le batla le le lengata haholo kajeno. Ke ne... Moranyana oa ka, Joseph, esale a 'ngamola hlooho ka ho ea sesa.

Moo re lulang letangoana le teng, le kampetsoe kahare, eaba o re,  
“Tloo, nchebe, ntate. Ke khona ho sesa.”

Ka re, “Ho lokile.”

<sup>7</sup> Ka theohela mono hoseng hona, ka nka Bibele ea ka, le tse ling . . . ho ngola lintlha tse itseng. ’Me ha ke ntse ke bala, a . . . ke enoa a etla ka marikhoana a hae a ho tola, a re, “Nchebe, ntate, ke khona ho qoela!” Be, haeba nkile ka bona senqanqane se tlolela ka metsing! A ema, ’me metsi a tsoa nkong le molomong, a re, “Ke sebelitse joang?”

Ka re, “U ntse u sebetsa hantle.”

<sup>8</sup> ’Me ke hopola khetlo le leng mohla ke buileng joalo ho ntate oa ka. Letangoana la khale, pele re fihla nokeng, ho e-na le letamo, ’me rona bana ra tlameha ho phetla seretse se setala seo motšeo ho lona, ’me ra . . . metsi a ne a sa teba botebo ba lisenthimithara tse tšeletseng. ’Me ke sa phetse ho bolella ntate, “Ke khona ho sesa.”

<sup>9</sup> Kahoo thapama e ’ngoe ea Sontaha a tsoela mono. ’Me mono ho ne ho behiloe kalana. ’Me ka khutlela lihlahleng ka hlobola liaparo tsa ka, le ntho eohle e hloboloang; ho motsula sepekere se le seng feela, le a tseba. ’Me ba bakae ba boneng ntho e joalo? Ke a bona. Ke apere para ea diofarolo feela, e se nang makrusepane; ke e—e khole feela ea furu, bakeng sa gallus, le sepekere feela. Ke hula sepekere feela, ’me ke phetho seo u lokelang ho se etsa, ho qhomela ka hare. ’Me ka ema holim’ a kalana ena ’me ka tšoara nko ea ka, le a tseba, le ho lakomela ka hara ntho eo, ’me seretse sa fofela holimo ha *kaalo*. Ntate o ne a lutse tlase mono, a nchibile. Ka re, “Ke ntse ke sebetsa joang?”

<sup>10</sup> A re, “Tsoa mono u tlohe u itlhatsoe!” Ke ne ke nahanne hore ke khale hakae!

<sup>11</sup> ’Me, le a tseba, nako e a re siea, ha e etse joalo? Re mpa re se na nako, ekare joalo, hape, ea ho etsa lintho. ’Me nako ha e a emela motho ofe. Ka hona re tlameha ho sebetsa re sa khona, hoba hora ea tla mohla moloko ona o tla fela, ’me ho tla hlaha moloko o mong, haeba moloko o mong o le teng. Ka ’nete, ke e bua ka pelo ea ka eohle, (ha ke tsebe hore na O tla neng; ha ho le ea mong oa rona ea tsebang), empa, kannete, ha ke lumele ho tla ba le moloko o mong. Ke lumela Kreste o tla tla molokong ona. Ha ke tsebe nako efe, joale, ekaba bosius bona kapa e ka ba lilemo tse leshome ho tloha joale, kapa tse mashome a mabeli, empa ke lumela hore O tla ba molokong ona. Ke ntse ke lumela hoo. Haeba A sa etse, ke batla ho phela eka hoja A le joalo, le hona, hoba ke a tseba e ka ba letsatsi la ka la ho qetela, kapa letsatsi la hau la ho qetela.

<sup>12</sup> ’Me hape, hopolang, ha re ka tsamaea pele A fihla, re tla be re nyolohile le ka pela Sefahleho sa Hae, kapa, ho nyolloa pele ba bang ba fetoha. “Terompeta ea Morena e tla lla, ba shoetseng ho Kreste ba tla tsoha pele. Ke moo rona ba phelang ba setseng

re tla fetoha hang, ka ho panya ha leihlo, le ho 'nkoa le bona, ho ea kopana le Morena sebakeng." Shebang tatellano ea tsoho. Le a bona, Molimo o tseba re labalabela ho bona baratuoa ba rona. 'Me ha re ka ea koo ho kopana le Eena pele, re tla be re qamaka ho bona haeba 'mè kapa ntate le ba bang ba ne ba le teng. Empa na le bona joang, Moea o Halalelang ka bohlaleng ba Hae? Re kopana le ba bang pele, 'me e tla re ha re fihla mono re bina *Mohau o Hlollang*, ke mohla ho tla fihla nako ea khumamel. Le nahana hore ke itšoere ka mokhoa o hlollang joale, nchebeng holimo Mono! E tla ba nako e monate ho 'na le ho rona bohle ha re fihla Mono.

<sup>13</sup> Joale ha re baleng a mang Bibeleng ea khale e bokoang mona bosiung bona. Ha re phetleng ho Baroma, khaolong ea 4, 'me re bale karoloana feela Bukeng ea Baroma. Ke batla ho bala libaka tse peli bosiung bona, ho tsoa ho Genese le ho tsoa Bukeng ea Baroma. Joale Bukeng ea Baroma, khaolo ea 4, temana ea 17.

*(Joalokaha ho ngoliloe, Ho thoe ke u beile ntata lichaba tse ngata,) ka pel'a eo a lumetseng ho eena, e leng Molimo o phelisang ba shoeleng, o bitsang lintho tse leng sieo eka hoja li le teng.*

*Ke eena ea lumetseng ka tšepo, ho se na tšepo, hore e tle e be ntata lichaba tse ngata; ho ea ka se ngoliloeng, Ho thoe leloko la hau le tla ba joalo.*

*'Me kahobane a ne a sa fokole tumelong, ha a ka a bala 'mele oa hae o seng o shoele, athe lilemo tsa hae li ne li le lekholo, le joalo... ho shoa ha pōpelo ea Sara:*

*Ha aa ka a thekesela tšepisong ea Molimo ka ho se lumele; empa a tiea tumelong, a tlotlisa Molimo;*

*'Me a kholisehile ka botlalo hore, seo a neng a se tšepisitse, o na le matla a ho se etsa.*

*Ka baka leo a balloa hoba ke ho loka.*

*Joale ha ho a ka ha ngoloa ka baka la hae a 'notši, hore ho balloe eena;*

*empa le bakeng sa rona, ba tlang ho balloa, ba lumelang ho ea tsotsitseng Jesu Morena oa rona bafung;*

*O ile a neheloa ka lebaka la tlōlo ea rōna, 'me a tsosoa hore re beoe ba lokileng.*

<sup>14</sup> Oh, kamoo ke ratang Hono! Leo ke le leng la Mangolo ao ke a ratang ka ho fetisia a Bibele, hobane le tiile holim'a seo Molimo o neng o le sona, seo O se tšepisitseng le ho ana hore O tla se etsa. 'Me joale ke khethile sehlooho sena hobane ke nahana hore kopanong efe kapa efe, ho bona tumelo eo re e boneng e hlakisoa mona maobane bosi, ho se motho ea fokolang hara rona haese ea folisitsoeng. Matla a makakang a Molimo a tlileng le seo A se entseng! Eaba ke a nahana, haeba re ka haha re potile ntho

e tiileng, ho e—e finyella pheo, ho tla babatseha hakae ha re ka otla bosiu boo bo boholo kapa hora ea sehlohlolo.

<sup>15</sup> 'Me re lokela ho hopola hoba ha ho letho le ka etsoang tumelo e le sieo, 'me pele le tlameha ho ipolela. Hobane Ke—Ke Mothei oa tumelo, re tseba seo, 'me ho ke ke ha etsoa letho tumelo e le sieo. 'Me ha tumelo e le sieo ho ke ke ha khahlisoa Molimo.

<sup>16</sup> 'Me joale Ke Moprista e Moholo oa maipolelo a rona. Joale e—e King James mona, Bukeng ea Baheberu, e re "phatlalatsa." Ho phatlalatsa le ho ipolela ke ntho e le 'ngoe, ho phatlalatsa le ho ipolela. Boipolelo bo bolela "ho bua ntho eona eo": "Ke folisitsoe ka maqeba a Hae," le a bona, "Joale ke bolokehile ka Bophelo ba Hae." 'Me joale, pele, re loketse ho e bolela; 'me O lutse e le 'Muelli, le 'Muelli a le mong feela mahareng a Molimo le motho, 'me O lula mono ho buella maipolelo holim'a seo re bolelang A se entse. Ke e—ke ho tiea, ntho e tiileng hakaakang eo!

<sup>17</sup> 'Me joale ke batla ho bala Lengolo le leng, le fumanoa koana Bukeng ea—ea Genese, khaolo ea 22, 'me ha re qaleng ho bala mona nkare temana ea 7.

*Eaba Isaaka o bua le Abrahama ntatae, a re, Ntate: a re, Ke 'na enoa, mora ka. A re, Bona mollo le patsi ke tsena: empa nku ea sona secheso e kae?*

*Mme Abrahama a re, Mora ka, Molimo o tla iponela nku ea sona secheso: eaba ba tsamaea ba 'babeli hammoho.*

*Eaba ba fihla nqalong eo Molimo o 'moleletseng eona; Abrahama a haha aletare teng, a lokisa patsi, a tlama Isaaka, mora hae, a 'mea holim'a eona—aletareng holima patsi.*

*Abrahama a nanabetsa letsoho la hae, a nka thipa ho hlaba mora hae.*

*Eaba lengeloi la MORENA le mo hoeletsa le le leholimong, la re, Abrahama, Abrahama: a re, Ke 'na enoa.*

*A re, U se ke oa bea letsoho la hau holim'a moshanyana, 'me u se ke oa mo etsa letho: hobane joale Ke a tseba hore u—hore u tšaba Molimo, le ho bona u... . ha u a ka oa nkhanela ka mora oa hau ea mong ho uena.*

*Eaba Abrahama o emisa mahlo a hae... 'me bonang pheleu ka mora hae e ne e tšoasitsoe ka linaka morung: Eaba Abrahama o ea a nka pheleu, a e hlabela holima... . e etse secheso bakeng sa mora hae.*

*Abrahama a rea sebaka seo lebitso, la Jehova-jire: joalokaha ho thoe, Ho tla bonoa thabeng ea MORENA.*

<sup>18</sup> Sehlooho seo ke batlang ho se nka mono, haeba se ka bitsoa sehlooho, *Jehova-Jire*, lentsoe le bolela "Morena o tla

Itlhahisetsa sehlabelo.” Haeba A se na se seng, A ka hlahisa se seng. Ke leboha seo haholo. Joale taba e kholo ena! ’Me joale ho bala mono, seo “Abrahama ha a ka a thekesela tsepisong ka ho se lumele; a mpa a ipha matla, a ntse a boka Molimo.”

<sup>19</sup> Joale, Abrahama ke eena eo Molimo o entseng selekane le tsepiso ho eena; ’me Abrahama, e seng eena a ’notši, empa le Peo ea hae kamora hae, “Abrahama le Peō ea hae.” ’Me joale hopolang sena joale. Haeba re shoele ka ho Kreste, re Peo ea Abrahama haeba re tsoetsoe labobeli. Joale, ha re hlokomeleng taba ena joale re sa ithuta thuto ena. ’Me joale ha u ka mamela ka hloko, ke na le bonnete Moea o Halalelang o tla u senolela. U tla tšoara tšepo, ’me e tla khantsa toropo ena le tsohle tse u potileng, ha feela re ka nka nako ea rona ra tšoara mohopolo, seo Moea o Halalelang o lekang ho se fetisetsa ho rona. Joale, Abrahama, ea bitsitsoeng, o ne a fuoe tsepiso, ho Abrahama le Peo ea hae.

<sup>20</sup> Joale lintho li ngata haholo kajeno, metsoalle, tse bitsoang Bokreste, athe hase Bokreste.

<sup>21</sup> Joale, ha ke batle ho bua sena feela. Empa nka mpa ka ema mona ’me ke tumme ruri hara batho, ’me—’me bohole ba u phathatsa mokokotlo, le tsohle tse joalo. Empa hape ke loketse ho kopana le sehlopha seo Kahlolong, ho ikarabela ka eona. Kahoo ke—ke tlameha ho bua ’nete feela.

<sup>22</sup> Joale re ka sheba liphutheho, le holima lefatše kajeno, holima se bitsoang Bokreste, le ho bo fumana bo le limaele tse milione hole le Bokreste. ’Me e boletsoe pele ka Bibeleng ho tla ba joalo. Joale ba bangata ba amohela Kreste ka mokhoa ho thoe, “Be, ke a Mo lumela.” Khele, liabolosi o lumela hona hoo. Le a bona? ’Me bongata ba bona ba leka ho e amohela ka maikutlo, ho re, “Be, ke buile ka liteme. Ka hobela ka Moea.” Ke bone lingaka tsa boloi li etsa ntho eona eo, le litantsi tsa liabolose koana Afrika; ehlide, ho bua ka liteme, le ho noa malai ka lehateng la motho, le ho bitsa liabolosi. ’Mè ke Moindia, halofo ea Moindia, le—le batho bahabo. Ke ba bone ba nka pensele ’me ba e bea fatše joalo, le ho bona pensele e tlolaka e ngola ka lipuo tse sa tsejoeng, ba ema mono le ho e toloka, ba ntse ba bitsa liabolosi. Ehlide. Le a bona, u ke ke ua tsamaea ka maikutlo. Le a bona, bophelo boo u bo phelang bo paka seo u leng sona. Le a bona? Ho sa tsottelehe mofuta oa maikutlo, u ke ke oa thea Bokreste holima maikutlo afe.

<sup>23</sup> Ke bophelo! Jesu o itse, “Le tla ba tseba ka tholoana tsa bona.” Hase ka maipolelo a bona, hase ka seo ba se buang. ’Me Jesu hape o itse, “Le tla ho ’Na ka melomo ea lona, athe pelo tsa lona li hole le ’Na.” Ke hore, ao ke maipolelo a bona. Le a bona, bophelo ba hau bo a bolela. ’Me ha motho a re o lumela Molimo, ’me a latola Lentsoe le le leng la Bibele ena, kapa ho Le fetola ka mokhoa ofe, khele e loketse ho fosahala.

<sup>24</sup> U re, “Linthroana tsena ha li etse phapang ea letho.” Ruri li a e etsa.

<sup>25</sup> Lentsoe le le leng le lenyenyan ke lona le re kentseng mathateng ana kaofela; e seng ho se Le lumele, empa ho Le beha malulong asele feela. Eva o lesitse Satane ho fosa, ho mo behela lebaka feela. Tlase ha Moena Williams, ke sa tsoa qeta ho haola mono tlase Santa Maria. Ke eona ntho e re tlositseng tšimong ea Edene, ’me ea hlahisa ngoana e mong le e mong ea kulang. Joaloka, ke rapeletse lesea le thefulehang le robetse mono, metsotsoaneng e ’maloa e fetileng, ho keneng. Hoo ho entsoe ke’ng? Hase hobane Eva a sitiloe ho Le lumela, empa o amohetse lebaka feela, hore e ka ba taba e utloahalang sena se tla itokela. ’Me e hlahisitse lefu le leng le le leng, boloetse bo bong le bo bong, masoabi ’ohle, masisapelo a mang le a mang. ’Me re ka khutlela joang hape kahare? Haeba e bakile—haeba e bakile lilemo tse likete tse tšeletseng tsena tsa sena, re tla khutla joang ka ntho e ka tlasana ho Lentsoe le leng le le leng le phethahetseng kamoo Le ngoliloeng kateng?

<sup>26</sup> Liabolosi o hlotse ntoa holima moloko oa batho ka ho behelana mabaka le moloko oa batho. Lebaka feela, “Hobaneng, ho a utloahala hore *sena* se tla ba joalo? Ho a utloahala.” Efela ha mabaka a le khahlano le Lentsoe, etlaba ho bea lebaka ho phoso! Lentsoe le nepahetse, kamoo Le ngoliloeng ka teng feela! U se ke ua itlhalosetsa lona ka mokhoa ofe. Le boleloe kamoo Le ngoliloeng, le ho Le lumela joalo. Le a bona? Molimo o a ile oa Le hlokomela. Le hantle feela kamoo Le loketseng ho ba kateng, ka hona ha re Le lumeleng ka tsela eo feela.

<sup>27</sup> Joale, ke Lentsoe, Lentsoe le leng le le leng! Le leng . . . Moea o Halalelang ka hara motho; polelo e ’ngoe le e ’ngoe ea Bibele, Moea o Halalelang ka ho uena o tla chaella ka “amen,” hobane Moea o Halalelang o ngotse Bibele. ’Me haeba A ahile ka ho uena, A ka rialo joang, “Be, E ne e le baletsoe mongoaha o mong, Leo le ne le baletsoe *sena*, kapa Leo le ne le baletsoe *sane*”? A ka rialo joang ’me ebe Moea o Halalelang ka ho uena? Ho ke ke ha etsahala. O tlameha ho re “amen” ho Lona!

<sup>28</sup> Joale, joaloka ha ke boletse tsatsi le leng, ntho ea pele eo Molimo o e fileng batho ba Oona, ho ba sireletsa, e ne e le Lentsoe. ’Me ha O eso fetohe. O ke ke oa fetoha. Joale, litumeloana li ke ke tsa sebetsa, liphutheho tsa bolumeli li ke ke tsa sebetsa, thuto e ke ke ea sebetsa, ha ho le e ’ngoe ea linthro tsena, e ’ngoe le e ’ngoe ea tsona e hholehile ka botlalo ’me e tla hholeha. Ho na le Ntho e le ’ngoe feela e tla sebetsoa, ke Lentsoe.

<sup>29</sup> ’Me mokhoa o le mong feela oo re ka tlang ka Lentsoe, ke ka Mali. Eona feela nqalo eo motho a kileng a khumamela Molimo ho eona, o ne a loketse ho kena tlas’ a Mali. Boitlhophiso bo bong ha bo fumanoe ho hang. U ke ke oa tla tlasa lebitso la Methodise, u ke ke oa kena tlasa lebitso la Pentekosta, u

ke ke oa kena tlasa lebitso la Katolike. Likereke tsa Katolike ke ditosene, tse fapaneng, li fapana le tse ling, Orthodox, le Bagerike, le Roma, 'me li pshatlehile habohloko joaloka Protestanta. Maprotestanta, Methodise, Baptise, Presbeteriene, Luthere, Katolike, oh, e 'ngoe le 'ngoe, mefuta ea tsona eohle e a fapana. 'Me ke tseo, le a bona. Empa motheo oa kopano o mong feela, mono ke tlasa Mali! 'Me Mali ke Bophelo, 'me kamehla a tla lumellana le Lentsoe, kamehla le Lentsoe.

<sup>30</sup> Joale, re a tseba hore bophelo bo ka hara bong bo botona, bo maling, hemotlelobini. Ka hono sethole se ka behela lehe, empa haeba se sa kopana le nonyana e tona, se ke ke sa qhotsa le ka mohla. Ehlide, ha se a nona. Ke etsa joalo, litlhahiso tsa ka tse khohlahetseng, ke itse nonyana e tsehali e ka alama sehlaha se tletseng mahe, 'me e ka tsepahala ho 'ona kamoo e batlang, e ka a fuama, le ka mapheo a eona, le ho a phethola metsotsot e meng le e meng e seng mekae e le hore a tle a qhotsoe ruri. 'Me—'me se ka ipolaisa tlala, sa itima lijo, ha se ntse se lutse sehlaheng, ho tsepahalla mahe ao, sa sotleha hakaale hofihlela se sa khone ho fofa se tloha sehlaheng. Haeba se sa kopana le nonyana e tona, 'me mahe ao a nonne, a tla robala sehlaheng a bole haeba se sa kopana le molekane. Ke hantle feela.

<sup>31</sup> 'Me likereke tsa rona li batla li fetohile hoo, ho kentsoe feela sehlapha tlasa maipolelo a batang, motjeko o mohlolo kapa t̄sisimoho ea mofuta. 'Me ba etsa eng? Ho se lumele Lentsoe, ho fihlela re fumane sehlaha se tletseng mahe a bolileng feela. Ke nako ea ho hleka sehlaha le ho qala bocha. Ho fihlela ba kopana le e Motona, Kreste Jesu, le ho tsoaloa labobeli ka Lentsoe. A tlameha ho qhotsoa, hobane ke Bophelo.

<sup>32</sup> Ha se khale ha ke ntse ke ja tinara le e—e moreri oa khale oa Methodise, 'me ka utloa The Agricultural Hour ho tsoa—ho tsoa Louisville, 4-H Club e ntse e bua, ho thoe "Ba sibolotse machini a ka ntšang thollo ea poone e joalokaha eo ba e jetseng t̄simong." Ho re, "O khona ho lhahisa lijo-thollo tse t̄soanang, bohobe bo t̄soanang ba poone, e ne e le poone e le 'ngoe feela. Ho e seha joalo, ho e beha tlasa leseli, ho e isa laborating; pelo ea eona e malulong a nepahetseng, le ntho eohle, le mongobo o lekaneng, k'halsiamo, potashe, sohle se ka hara poone se robetse hantle feela." Ho re, "Haeba u ka tlatsa letsoho ho tsoa mokotleng o lenngoeng t̄simong, le mokotla o entsoeng ke machini, kapa ho etsoa, le ho li kopanya, u ke ke oa khetha phapang ea tsona ka leihlo la nama, kapa ka ho e petsola, kapa mahlale afe a ke ke a fihlela phapang le ka mohla. Mokhoa feela oa ho bolela phapang ke ho li epela." Ke sona se bolelang.

<sup>33</sup> Monna a ka shebahala joaloka Mokreste, a ka it̄soara se sa Mokreste, a ka iketsa Mokreste. Empa haeba a se na lefi la Bophelo ka mono, a ke ke a tsoha hape; o tlameha ho rua lefi leo la Bophelo ka mono, ho ba le Bophelo Bosafeleng.

<sup>34</sup> 'Me motho mang ea ithutileng Segerike, o o a tseba hore leo "Bosafeleng" le tsoa lentsoeng *Zoe*, le bolelang "Bophelo ba Molimo ka Sebele," ho fetoha karolo ea Hae; joalokaha u le karolo ea ntatao. U fetoha karolo ea Molimo. 'Me Bophelo ba Molimo ka Sebele bo a aroloa bo beoa ka ho uena, 'me Bo ke ke ba shoa, hoba Ke Bosafeleng. Ntho efe e qalang, e a fela; empa ha A eso ka a qala, kahoo A ke ke a fela. Ke Bosafeleng, 'me uena u Bosafeleng 'moho le Eena. Ho se shoe joalokaha le Oona o ke ke oa shoa, hoba u fetoha karolo ea Hae. U tsoetsoe ke Eena. Amen. Ke ho tsoela pele feela ho bua ka taba eo, 'me ha ke sa tla finyella thuto ena.

<sup>35</sup> Oh, ke thabile haholo ho ba Mokreste! Ke—ke—ke—nke ke ka ananya malulo le motho lefatšeng, e seng lipresidente, likhosí. Haeba ba ka mpha lefatše lohle, ha thoe nka phela lilemo tse milione; ka morao ho moo ke ne ke tla shoa, ka mora lilemo tse milione. Empa joale, lilemo tse milione, khele, e ke ke ea ba letho joale, re tsoelapele ho phela, ho se lefu. Kahoo ho monate haholo ho ba Mokreste!

<sup>36</sup> E ne e bua ka Abrahama! Ha re khutleleng morao. Joale re Peo ea Abrahama haeba re le ho Kreste. 'Me ha u le Peo ea Abrahama, u ruile tumelo e tšoanang le ea Abrahama, hobane e ne e le tumelo ea hae eo re buang ka eona. Haholo-holo ka hara kereke joale, ke Peo ea borena ea Abrahama. Lipeo tsa Abrahama li ne li le peli. E 'ngoe ea tsona e ne e le ea tlhaho, Isaaka; e 'Ngoe e ne e le Kreste, tšepiso. Kahoo ka Isaaka, Iseraele e ile ea hlohonolofatsoa; ka Kreste, o fetoha ntata lichaba. Le a bona? Ka baka leo Peo ea borena, e ne e fetisa hakakang ka boholo peo ea tlhaho ea Abrahama. Ka hona ha u le ka ho Kreste, u ruile Peo e kholohali, e kholohali ho feta seo Abrahama a neng a le sona, hoba u tlie ka Peo ea borena, Kreste. Ekareha le shoele ka ho Kreste, joale le bana ba Abrahama, 'me le ruile Peo ea Abrahama le tumelo ea Abrahama. 'Me tumelo ea Abrahama e ne e le Lentsoeng la Molimo ho sa tsotellehe se etsahetseng. O bitsitse tse neng li le sieo eka hoja li ne li le teng, hoba Molimo o boletse jaalo. Ke tšepiso e kaakang!

<sup>37</sup> Joale ha re khutleleng morao sekotoana 'me re thee mehopolo ea rona. Ha re khutleleng teng, pele re fihla ho Jehova-Jire, ho Abrahama. Ha re khutleleng morao, re khutlele morao hanyenyane Lengolong. Ha re khutleleng khaolong ea 12. Re bala mona khaolong ea 22. Ha re khutleleng khaolong ea 12, selekane se entsoeng le Abrahama. Joale, selekane, li ne li le tharo... lilekane tse peli.

<sup>38</sup> Joale, Molimo o phethahatsoa ka boraro. Re tseba lipalo tsa Molimo. Phetheho, ka boraro; khumamelو, ka supa; le leshome-peli; 'me mashome a mane, ke moleko; mashome a mahlano, ke Jubilee; le joalo-joalo, Molimo ka hara palo tsa Hae—tsa Hae. Joale, Molimo o phethahile ka tharo; joaloka Ntate, Mora,

Moea o Halalelang; tokafatso, khalaletso, kolobetso ea Moea o Halalelang; le joalo-joalo.

<sup>39</sup> Joale, lilekane li ne li le peli. Se seng sa tsona e ne e le selekane sa Adama. Molimo oa hlabo selekane le motho, "Ha u ka etsa, Ke tla etsa." "Me a se roba. Eaba Molimo o hlabo selekane le Nohe; seo e ne e le selekane sa Nohe, 'me sa robjoa.

<sup>40</sup> Joale O hlabo selekane sa bo-Abrahama. 'Me selekane sa Abrahama, ho latela Genese khaolo ea 12, ho se lipehelo. Ka baka leo ke Bosafeleng, hobane ha se na lipehelo. E seng "Ha u ka khona, Ke tla khona." O itse, "Ke se ke! Ke e entse." E seng "Ke tla e etsa." "Ke e entse!" Hoo, oh, hoo, hoo ho thea tumelo. Le a bona, ha se... Molimo o ikemiselimse ho pholosa motho. O etsa selekane, "Ha u ka etsa, Ke tla etsa," o ne a se roba. Se seng, "U tla etsa, Ke tla etsa," o se robile. Motho ha a khone ho boloka selekane sa hae, kahoo Molimo o pholosa motho ka mohau oa Hae, tlasa selekane se se nang lipehelo, selekane se se nang lipehelo. Oh, khili! Ha se felle le ka mohla, e ne e le kaofela ha eona; tharo, phetheho. Nohe, Abrahama, 'me ke bolela... Che. Adama, Nohe le Abrahama. Joale, ke ka hona re leng bana ba Abrahama, selekane seo se ke ke sa felisoa, ha se fele le ka mohla, hobane ha se na lipehelo. Ha se... Ha se hobane u etsa ho hong; ke hobane Molimo o entse ho hong! Hase hobane u khethile Molimo; Molimo o u khethile! Na le lumela seo?

<sup>41</sup> Batho ba re, "Oh, Moena Branham, ke batlile Molimo 'me ka ba ka batla Molimo!" 'Me ha u a ua etsa joalo! Ha ke batle ho u bolella seo, empa ha u a etsa joalo. Ke Molimo o u batlileng. E ne e le Molimo o u batlileng.

<sup>42</sup> Jesu o itse, "Hase lona le Nkhethileng; Ke 'na ke le khethileng. Ha ho ea ka tlang ho 'Na a sa huloa ke Ntate oa Ka, 'me bohole bao Ntate a 'Neileng bona ba tla tla ho 'Na." Joale, le a bona, e ne e se eona. Motho a ke ke a ithorisa ka letho. Ke Molimo! Oh, ho babatseha hakakang ho bona e—e mohau oa sebele oa Molimo, kamoo o leng kateng!

<sup>43</sup> 'Me kamoo batho ba nkileng Molaetsa oa mohau 'me ba O fetotse sesomo! Joaloka kereke ea ka e theko e thata le lona batho ba bohlokoa ba Baptiste, ha le senya mohau joalo, le hlile le o lubakantse.

<sup>44</sup> Motho o buile le 'na nakoana e fetileng, ho re, "Moena Branham, joale u a tseba u ne u le Mobaptise ea lokileng."

Ka re, "Ke sa ntse ke ikutloa joalo, ke mpa ke phahametse holingoana."

<sup>45</sup> A re, "Be, joale sheba," ho re, "Abrahama o lumetse Molimo, 'me a ballooa hoba hoo ke ho loka. Abrahama o ne a ka etsa hofe ho fetisang haese ho lumela?" 'Me a re, "Ha re lumela Molimo, re amohela Moea o Halalelang."

<sup>46</sup> Ka re, “E fapane hakaakang le Santa Pauluse! Santa Pauluse o boletse, ho Liketso 19, ‘Na le amohetse Moea o Halalelang ho tloha le lumetse?’ Ha se *mohla* le ne le lumela; ‘ho tloha’ le lumetse!”

<sup>47</sup> A re, “Be, Abrahama o lumetse Molimo, ke phetho seo a neng a ka se etsa.”

<sup>48</sup> Ka re, “Nete. Empa eaba Molimo o mo laela lebollo, e le tiiso ea hobane O amohetse tumelo ea hae.”

<sup>49</sup> ’Me haeba A eso u bolotse ka Moea o Halalelang, ha A eso amohele tumelo ea hau. Ke hantle. Leo ke lebollo la pelo le moea. Molimo o aba Moea o Halalelang e le tiiso e reng O amohetse tumelo ea hau. Joale, ha u khaotsa ho lumela, le ho thekesela hohle; le ho lumela Molimo feela, Molimo o tla bolotsa pelo eo. ’Me hoo ho poma ho se lumele hohle, ho bolotsa lefatše le ho se lumele hohle ho uena; le ho ema, Lentsoe feela. Jesu o itse, “Ekare ha le lula ho ‘Na, le Lentsoe la Ka le le ho lona; le ka kopa seo le se batlang, le tla se neoa.”

<sup>50</sup> Ke bona bothata ba kereke kajeno. E tlasa maikutlo, e tlasa thuto, e tlasa tumeloana. Ha ho makatse, ha e kobotelitsoe! Le a bona? Ka baka leo re hloka lebollo, ho khaola ntho eohle. Khutlelang ho Molimo le Lentsoe la Hae, ’me le Le lumele kamoo Le ngoliloeng kateng mono, ’me le se ngangisane le Lona. Lula le Lona feela. Molimo o entse tsepiso, Molimo o boloka tsepiso ea Hae. A ke ke a etsa letho lesele haese ho boloka tsepiso ea Hae, ’me a lule e le Molimo.

<sup>51</sup> Joale selekane sena se se nang lipehelo. Hase “haeba u ka khona, Ke tla khona, empa Ke tla khona hamorao,” kapa ntho e kang eo; “Ke se ke u neile lefatše, le Peō ea hau e u latelang!” Amen. Le a bona, e se e e entse! Ke mosebetsi o phethiloeng.

<sup>52</sup> U itse, “O entse hoo ho Abrahama.” E, ha se Abrahama feela, empa Peō ea hae e mo latelang.

<sup>53</sup> ’Me ha re le Peo ea Abrahama, ke sehlahisoa se phethiloeng. “Bao A ba tsebileng pele, O ba bitsitse; bao A ba bitsitseng, O ba beile ba lokileng; bao A ba beileng ba lokileng, O bile o ba tlotlisitse.” U tshohile eng? Ke hantle. “’Me antikreste, matsatsing a ho qetela,” ho latela Tšenolo, “o thetsitse baahi bohle ba lefatše, bao mabitso a bona a sa kang a ngoloa Bukeng ea Bophelo ea Konyana” (ho tloha tsoseletsong ea ho qetela? Che) “pele lefatše le theoa.” Ke mohla lebitso la hau le neng le ngoloa Bukeng ea Bophelo ea Konyana, mohla Konyana e neng e hlajoa. Molimo o buile Lentsoe; Le ne le lutse mohopolong oa Hae, monahanong oa Hae, O buile Lentsoe ’me tsohle li etsahetse ka eona nako eo. Ena e mpa e le Peo ea Molimo e iphang tšobotsi, ke phetho, Mantsoe a Hae a theohang. Joale, ha Leseli la Molimo le halima holima ntho eo, ka potlako Peo eo e a Le eleloa, hoba E tsoetsoe ke Molimo. Ke Peo ea Abrahama, e tsebiloeng pele ke Molimo. Ke ka baka leo Leseli le halimang, ke ho tšoara Peo eo. Haeba e . . .

<sup>54</sup> Re ne re tšoere tsoseletso. Joele o boletse. Re phehisana haholo ka pula ea morao, ra thea metsamao e bitsoang “pula ea morao,” pula ea morao, pula ea pele, pula e kahare, pula e kantle. Ke ne ke bala letsatsi le leng. Na le a tseba *pula ea pele* e bolelang ka lentsoe la Seheberu? Ha ke khone ho le bitsa hona joale; ha ke a le ngola fatše, le balehetse mohopolo oa ka. Empa *pula ea pele*, pula ea ho qala, e bolela “pula ea thuto.” Pula ea bobeli ke Moea o theohelang holima se rutiloeng, ’me e hlahisa chai. Hobaneng re fumane tsoseletso ea mofuta ona? Pentekosta, Baptise, lifate tse ling tsohle li hlahisitse menoko ea tsona, joalokaha Jesu a boletse li tla etsa. ’Me re qhotsitse eng? Mabaptise a ipoletse a “fumane milione o mong ka ’44.” Shebang Katolike, kamoo ba eketsehileng. Shebang mekhatlo eohle ea liphutheho. Shebang Pentekosta. Re entseng’ng? Re jetse lipoeo tsa mekhatlo ea malumeli, re kotutse kotulo ea mekhatlo ea malumeli. Khele, kereke e loketse ebe e tukela Molimo hona joale, holane ha jaloa peo ea Lentsoe morao koana, ’me ho ne ho tla hлаha lipontšo, meeka, le mehlolo, ’me kereke eo e ne e tla ba ’moho, pelo e le ’ngoe, khopolo e le ’ngoe, le ho hoanta ho ea Sione, bakeng sa Hloibilo. Ke hantle. Re entse’ng? Re ralile lipuo tsa hlalefo sebakeng sa Lentsoe. Re beile mabaka khahlano le Lentsoe, le ntho eohle esele.

<sup>55</sup> Re lokela ho khutlela morao Lentsoeng. Ho fumana . . . Re tla e etsa! Molimo o itse, “Ke tla khutlisetsa, ho bolela Morena, lilemo tsohle tse jeloeng ke marutle le seongoana.” Se tla thunya nakong ea mantsiboea. Ho tla hлаha e mong ka Molaetsa, o tla khutlisetsa lipelo, kapa tumelo ea bana morao ho Tumelo ea bontate. O e tsepisitse ho Malakia 4, hore O tla e etsa, ho ba busetsa morao hape.

<sup>56</sup> Joale, eo ha se Elia ea boletsoeng kahara Bibele; Jesu o boletse ho Mattheu 11, “Haeba le ka e amohela, Johanne e ne e le Elia ea neng a tla tla,” oa Malakia 3. “Bonang, Ke romela lenqosa la Ka pela sefahleho sa Ka,” Malakia 3, le fumana seo.

<sup>57</sup> Empa hopolang, Malakia 4, Molaetsa o a fihla, “Letsatsi le tšabehang la Morena le tla tla, le tla chesa lefatše lohle, ’me ba lokileng ba tla hatikela melora ea bakhopo.” Seo ha se a etsahala kamora Johanne. Che, haeba e ne e le joalo, e tla ba Lengolo le lahlehetsoe ke matla a Lona, Le boletse ntho e neng e se joalo. Re fetile lilemo tse likete tse peli ho tloha mohlang oo, lefatše ha le eso chesoe haesale, ho hang. Le joalo ba lokileng ha ba eso hatikele e—e melora ea bakhopo. Empa re sa ntse re emetse ntho eo e tlang ho nka Tumelo, le ho khutlisetsa tumelo ea bana morao Sefateng sa mantha sa pentekosta se jeloeng ke marutle, lerutlè la Roma, seongoane. Liphutheho tsohle tsa bona tsa malumeli le litumeloana li Se jele ho fihla fatše. Molimo o itse, “Ke tla E khutlisetsa hape, matsatsing a qetelo.” ’Me E tla khutlisetsoa! Molimo o tla romela Moea o Halalelang ka mokhoa o joalo,

holim'a Lentsoe le lenngoeng, le tlang ho khutlisetsa. Lentsoe la Molimo ke Peō eo mojali a tlohileng ho ea e jala.

<sup>58</sup> Joale, selekane se ne se abjoe kantle ho lipehelo! Joale, Iseraele, peo ea tlhaho e ile ea se ananya, 'me ea lahleheloa ke sona ho Exoda 19, mohla ba neng ba etsa phoso eo ea ho tlosa mohau, le ho amohela molao litulong tsa 'ona. Ke phoso e kaakang e entsoeng ke Iseraele mono!

<sup>59</sup> Bonang! Molimo, hoba A etse selekane le Abrahama, mohau o se o hlahisitse moporofeta-molopollia bona tlase Egepeta, ho phethisa lentsoe la Abrahama. Hopolang Moshe, tlasa sehlahlha, Molimo o itse, "Ke utloile lillo tsa sechaba sa Ka, 'me Ke hopola tsepiso ea Ka." Pele ho molao ofe, mohau o kile oa e baballa. Mohau o ne o hlahisitse sehlabelo sa molato oa bona, konyana. Mohau o ne o hlahise selekane, lebollo le se le abiloe, pele ho molao. Mohau o ne o hlahise Topallo ea Mollo ho ba tsamaissa, ho latela moporofeta, tshireletso e reng moporofeta o ne a ba boleletse 'Nete, seo a neng a bua ka sona e ne e le Lentsoe. Ba tsebile hoba Molimo o e tsepisitse, 'me Topallo ea Mollo ke ena e thasisetsa. Ke tshireletso e menahaneng hakakang! Amen. Mohau o phethile hoo!

<sup>60</sup> Empa ba ipatletse seo ba neng ba ka se etsa, ho ipolokela litumeloana tsa bona le mekhatlo ea malumeli, le eng hape, ho hlahisa Bafarisi, Basadusi, le ntho eo ba neng ba ka e etsa ka bobona.

<sup>61</sup> Motho ka mehla o leka ho ipholosa. U ke ke oa etsa hoo! Molimo o se a e entse. U tlameha feela ho e amohela le ho e lumela.

<sup>62</sup> Topallo ea Mollo ho ba etella pele le ho ba tataisa, ho ba tsamaissa Tseleng. Matla, mohau o ne o hlahisitse Matla ho ahlol sera sa bona le ho ba lokolla. Matla a ne a se a hlahisitsoe. Ba tsetse Leoatle le Lefubelu. Ba ne ba bolaile Faro. Lintho tsena tsohle ba li entse ka mohau. 'Me eaba ba ananya mohau ka molao, empa hoo ho ne ho sa amane ka letho le Peo ea borena ea Abrahama.

<sup>63</sup> Peo ea borena e lekile ho etsa ntho eona eo, ho khutlela morao tlasa tumeloana ea mofuta sebakeng sa ho nka mohau le Lentsoe, le ho Le lumela. Ho khutlela morao. Empa ho tla hlaha Peo ea borena; re tla tšoarana le seo kamora nakoana, ho ea pejana.

<sup>64</sup> Ha re khutleleng joale ho Genese 12. Molimo o bitsitse Abrahama ka mohau. Hase hobane e ne e le motho ea fapaneng; e ne e mpa e le Abrahama feela, monna ea tloaelehileng feela. Hase hobane e ne e le moprista kapa motlotlehi; e ne e le sehoai feela. O theohile motseng oa—oa Tora ea Babilona, le ntatae, 'me ba ea aha Kaldea, Ure oa Kaldea. 'Me, teng, e le sehoai, mohlomong a lema motšeare 'me a lema lijo tsa hae. O ne a nyetse khaitseli ea hae ka motsoali a le mong, Sara. 'Me ba se na bana, 'me Abrahama a le lilemo tse mashome a supileng a metso e mehlano

mohla Molimo o 'mitsang, 'me Sara a le lilemo tse mashome a tšeletseng a metso e mehlano.

<sup>65</sup> 'Me Molimo o boleletse Abrahama mohla O 'mitsang, Oa re, "Ke tla u etsa ntata lichaba," 'me a fuoa ngoana ka Sara. Joale, e ne e le nyopa. 'Me tšali a le koana, be, mashome a tšeletseng a metso e mehlano, a se a tlotse menophose ka lilemo tse leshome kapa tse leshome le metso e mehlano. A se a phetse le eena esale a le lilemo tse ka bang leshome le metso e tšeletseng kapa leshome le metso e robeli, khaitseli ea hae ka rangoane. 'Me, bona, e bile monna oa hae lilemo tsena tsohle ho fihlala a le mashome a supileng a metso e mehlano, 'me eena a le mashome a tšeletseng a metso e mehlano, 'me eaba Molimo o theoha le ho re, "Ke tla u neha ngoana, ka eena." 'Me ha a ka a sisinyeha tšepisong ea Molimo, a mpa a e lumela!

<sup>66</sup> Na le ka nahana leqheku, la lilemo tse mashome a supileng a metso e mehlano, le mosali, oa mashome a tšeletseng a metso e mehlano, a theoha, ba thothomela, ba theohela ngakeng, le ho re, "Ngaka, ke batla hore le hlophise kokelo joale. Re ka u bitsa bosiu bofe feela, hobane, u a tseba, re til' o fumana lesea"?

<sup>67</sup> Ngaka e ne e tla re, "Yaa, e, monghali, u a... Uh, uh, uh!" Hang ha ba tšoara mohala, ho thoe, "Le mpe le ba sale morao, phoso e teng."

<sup>68</sup> 'Me e mong le e mong ea nkang Molimo tšepisong ea Hae o 'nkoa, ke lefatše, "hlanya." Pauluse o itse, "Ka mokhoa o bitsoang 'bokhelohi,' ke kamoo ke rapelang Molimo oa bo-ntat'a rôna." *Bokhelohi* ke "bohlanya," re a tseba. Ke bothoto nqa kelello ea nama. Tumelo e a hlanya ho bohle haese ho Molimo le ea nang le tumelo. Ke hantle.

<sup>69</sup> Empa Molimo o tšepisitse Abrahama, 'me Abrahama o lumetse seo. Ha a ka a re, "Molimo, ho ka ba joalo joang?" O itse, "Ho lokile, Molimo, ke a e lumela." 'Me ke 'mona a ea lapeng, ho re, "Sara, ha re theohe ho ea seha limilimithara tse 'maloa tsa maleiri, le ho iphumanela liphini, le ho iphumanela libutšunyana. Ra tla fumana lesea." Oh, khili!

<sup>70</sup> Ha feta matsatsi a pele a mashome a mararo, kapa matsatsi a mashome a mabeli a metso e robeli. "U ikutloa joang, moratuoa?"

"Ha ho phapang."

"Ho bokoe Molimo, re tla le fumana, leha ho le joalo!"

"U tseba joang?"

"Molimo o itsalo!"

<sup>71</sup> Ba bang ba rona re ka rapelloa bosiu bo le bong, ra lula kopanong moo Moea o Halalelang o theohang; 'me hoseng ho latelang, haeba re sa phela, hantle, re folile, "Ke—ke sa ntse ke kula-kula maleng a ka. Ha ke sa khona le ho tsamaisa matsoho

a ka.” Uena, Peo ea Abrahama, u se ke oa sisinyeha tšepisong ea Molimo ka ho se lumele?

<sup>72</sup> Ntho ha e hlaha kahara kereke, liabolosi a ka kena hara e—e sehlopha sa batho ba khabane le ho kena ka mono le ho qala a shashara phutheho eo, ntho ea pele le a tseba, ba bang ba re, “Huh, ke tlil’o tlohela Ntho ena ea khale, ho ne ho se letho ho Eona le ho qaleng.” Peō ea Abrahama? Khele, khele! Sekolinyana sa pele seo liabolose a ka u bontšang sona, ke moo, u seng u qetile ka Lona. E u supile u ne u sa Le lumela le ho qaleng.

<sup>73</sup> Jesu o itse, “”Muso o tšoana le motho ea nkileng letlooa, a ea leoatleng a le lahlela leoatleng. Eitseha a kena, o ne a tšoere lintho tsohle.” Ke hantle.

<sup>74</sup> Ke sona seo e—e tsoseletso e se tšoarang. Kahara letlooa e ne e le eng? U qhaulitse lihohoana, likho, likhulu, hlapisehoho, linoha le lihlapi. E se khale khulu e se e re, “Be, mona hase moo nka lulang teng,” e tloha e khutlela hantle seretseng. Seokho sa khale sa metsi sa thalatsa koana, sa re, “Uh! Mona ha ke khone ho bapala papali ea karete.” Kahoo se theoha se kena seretseng hape, joaloka kolobe seretseng sa eona le ntja e khutlela mahlatseng a eona. Ke hantle. ’Me e ntano ba Peo ea Abrahama? Oh, khili! Lihlong tse kakang!

Peō ea Abrahama e lumela Lentsoe la Molimo!

<sup>75</sup> Lula morao mono u re, “Yaa, ho bokoe Molimo, ke Mopentekosta!” ’Me ha motho a rera ntho e holim’ a Lentsoe, ke eo E ngotsoe hantle. “Alleluia, ha ke lumele Hono. Che, monghali.” Peō ea Abrahama? Huh!

<sup>76</sup> Joale, haeba e le bosaoana ba mofuta, ehlile, ha u e lumele. Empa haeba E le Lentsoe, Ke ’Nete! Ke hantle. Peo ea Abrahama e itsoarella Lentsoeng leo ’me le letho lesele.

<sup>77</sup> Khoeli e ’ngoe e fetile. “Sara, moratuo, u ikutloa joang joale? Le a tseba, ho se ho fetile matsatsi a mang a mashome a mabeli a metso e robeli, u ikutloa joang?”

“Ha ho phapang, lerato.”

<sup>78</sup> “Khanya ho Molimo! Ke mohlolo o moholo ka likhoeli tse peli ho feta haeba e ne e hlahile khoeli e fetileng.”

Ho fetile selemo. “Na nka beella lieta tsena kathoko?”

<sup>79</sup> “Che, monghali, u mpe u li boloke mono. Re tla fumana lesea leo!”

“U tseba joang hore u tla le fumana?”

“Molimo o itsalo! Ke phetho.”

Kamora lilemo tse mashome a mabeli a metso e mehlano. “U ikutloa joang, Sara?”

“Ha ho phapang.”

<sup>80</sup> “Khanya ho Molimo! Ke mohlolo o moholo ho feta ka lilemo tse mashome a mabeli a metso e mehlano!” Ha a ka a sisinyeha tsepisong ea Molimo ka ho se lumele, a mpa a ipha matla, a tiisetla Lentsoeng la Molimo; le ho bitsa lintho tse leng sieo, eka hojane li le teng. Hobaneng? Molimo o itsalo! Oh, khili!

<sup>81</sup> Peo ea Abrahama kajeno, khele, seo re se bitsang Peo ea Abrahama, e fokola ho feta moro o ritetsoeng ka seriti sa khoho e bolailoeng ke tlala. E, monghali.

<sup>82</sup> Molimo o batla Bakreste ba khohlahetseng ba nkang Lentsoe la Molimo, ba phela kapa ba shoele. Ke ntho e tšoanang. Amen. “Molimo o itsalo!” Eo ke Peo ea Abrahama, e tsoetsoeng ka Moea le ka Lentsoe la Molimo. Ke eona ntho e emang.

<sup>83</sup> “Maholimo le lefatše li tla feta, empa Lentsoe la Ka le ke ke la feta.” Ke phetho. Seo Molimo o se tsepisitseng, Molimo o khona ho se phethisa. Molimo ha o hlolleha. O ke ke oa hlolleha. Ntho e ’ngoe eo Molimo o ke keng oa e etsa, ’me ke ho hlolleha. O ke ke oa hlolleha, ke ntho e le ’ngoe eo O ke keng oa e etsa. Empa O ke ke oa hlolleha. Ha Molimo o e tsepisitse, ke ’Nete. E teng mono kamehla. E rarolotsoe kamehla. Molimo ha o bolela Lentsoe, e se e batalalitsoe.

<sup>84</sup> Lefatše lena le ne le etsoe ka Lentsoe la Molimo feela. O boletse feela, “Ho hlahe hore,” ’me ha ba joalo. Amen. Oona mobu oo u lutseng ho ’ona bosiung bona, eona patsi eo u lutseng holim’ a eona, ha se letho haese Lentsoe la Molimo le bonahalitsoeng. Alleluia!

<sup>85</sup> Ke utloa ke tletse borapeli ha ke nahana ka Abrahama, ho tseba hore re ka ba Peo ea hae, Peo ea Abrahama e ruileng litsepiso tsena tsohle. Ha se feela ho e kholisa, Molimo o ile oa phahamisa letsoho la Hae, oa hlapanya ka Oona, hore O tla e phethisa. Kano, kamehla, selekane se tiisoa ka kano, mme Molimo o hlapantse ka Oona hobane ho se ea fetisang ho hlapanya ka eena. O hlapantse ka Oona, hore O ne o tla e phethisa.

<sup>86</sup> Joale seo lefatše, joang, eng—bothata ke eng ka rona? Tsepiso e kang eo! Tumelo e ahiloeng mathokong a ntho e kang eo, tumelo e ahiloeng! Lentsoe le tsepisitseng lintho tsena matsatsing a ho qetela, ’me ke mona re li bona li etsahala hantle ka pela rona, ’me re sa ntse re kobotetse hohle le joale. Peō ea Abrahama? Oh, khili! Ke batla hore le tiisetse hoo, “Peō ea Abrahama.”

<sup>87</sup> Genese 12, seo Molimo o se hlokileng ho Abrahama e ne e le karohano e iphotileng.

<sup>88</sup> Joale, kajeno, ba batla batsoakanyi. “Oh, ha re khetha molisa, o tlameha ho ba le moriri o mangetse, ’me a tsoa Hollywood hantle, u a tseba, ’me a ba re ‘ah-mene’ ka hamonate haholo, ’me a apara liaparo tsa maemo a holimo, ’me a khanna mokhasha-khasha oa Cadillac, le—le joalo ka mokhoa oo, ’me ke

motsoakanyi ea lokileng. O etsa *sena*. 'Me o tla fupa senonyana le rona hang ka nako, ho ikamahanya. O tla etela moketjana oa likarete oa mafumahali a holileng, 'me ba tšoarisa ba roka, ba tšoarisa le ho roka, babua ka Mofn *Sekete-kete*, le joalo-joalo, u a tseba, le tsohle ka mokhoa oo. 'Me eka khona e be mofuta o joalo oa—oa motsoakan."

<sup>89</sup> Molimo o itse, "Nkhetheleng Pauluse le Barnabase!" Amen. Karohano! "Tsoang ho bona 'me le se ke la nka kabelo sesileng sa bona!" Molimo o batla karohano, timeletso e felletseng ea sebe. Arohana! Ke bona bothata kajeno, lebaka leo re sa beng Peo ea Abrahama, ha re khone ikarola litšomong le litumeloana, le tse joalo, tse bitsoang Bokreste, ho ea Lentsoeng le phelang. Ikarole ho se lumeleng ha hau, 'me u lumele Lentsoe la Molimo. Molimo o tla Le bonahatsa ho uena. Hantle.

<sup>90</sup> Genese 12, Molimo o itse, "Ikhethe ho bohole ba heno le ho tsohle tse u potapotileng." Oh, khili, ha re khone ho ikarola papaling ea likarete! Huh!

<sup>91</sup> Ke ne ke kene reshurenteng kajeno, ha moena a kena ka mono. Ka bona ho kena mocha oa setlokotsebe ka mono. 'Me 'na le mohatsa ka ra leka ho ja, 'me ka nahana, "Ho bokoe Molimo! Ha re potlake, moratuoa, pele ho kena motho." 'Me bacha ba bang ba kena mono, ba ntse ba momorotsa lino. Nka tšaba ho kopana le moshanyana eo lefifing. 'Me a kenya e—e mochini oa nalete ka mono le, kapa rekoto, le ho qala a letsa lintho tseo tsa booglie-wooglie ea khale, le—le ho ema mono, a tsamaea *tjena*, le a tseba, a ntse a itabolaka *joalo*. Ka re, "Helang, mohau!"

<sup>92</sup> Meda a re, "U se ke—u se ke ua ea koo ho lefa molato oo. U eme hantle mona, e re ke tsamaee le uena." O ne a tšohile.

<sup>93</sup> Mang ka mono, lintho tse kang tseo re li fumanang kajeno, sechaba sa Bokreste, oh, ke ntho e kakang! Karohano! Lipheresente tse mashome a robong tsa bao ba bina lik'hoarereng, Elvis Presley, le Pat Boone, le tseo tsohle, le Peabody Ernie, seo ba 'mitsang sona tlase mono. Khele, ho hobe ho feta Judase Iskariota! Judase Iskariota o ile a rekisa, o thotse likotoana tse mashome a mararo tsa silifera; Elvis o mo siile morao, o thotse lethala la di-Cadillac le botumo bo boholo. 'Me kahobane bana ba banyenyane bana ba bona nyee eo e tsoela pele, ho re, "Ke motho oa morapeli." Eo ke liabolosi! Ruri! Molimo ha o mamelle nyee tse joalo. Tseo ke dikoaehela-mahlo mona matsatsing a ho qetela.

<sup>94</sup> Khutlelang morao Lentsoeng, "Ikaroleng linthong tseo tsohle tse khopo, le se ke la ama ntho ea tsona. Ke tla le amohela."

<sup>95</sup> Evangel, re hloka ho E tšoara re sa roala matsohong! E seng ka liatlana tsa bokereke, ho pholla motho mokokotlong, hoo ho tlatsa sehlaha ka mahe a bolileng hape, ho hloma motho monna oa setereke, kapa mopresbeteri, mobishopo, kapa ntho e 'ngoe

esele. Hoo ho etsa e . . . Le ka ba le tumelo joang athe lea hlompha, e mong o hlompha e mong? Re sheba ho Molimo, 'me Eena feela! Tlotla e tsoa ho Molimo. Ke Eena. Re Mo hlompha ka ho tšoara Lentsoe la Hae joaloka lebone, le ho tsamaea joaloka monna kapa mosali ka pel'a Molimo. Ehlide. Karohano e felletseng!

Genese 13, Lota o ile a khutlela morao. Hopolang. Ba fumane lethoana . . .

<sup>96</sup> Ka mora hoba ba ikarole, le ho tšela noka le ho kena naheng, Molimo oa re, "Abrahama, Ke tla u nea lona lohle joale, empa ha u eso 'Mamele ka botlalo."

<sup>97</sup> 'Me ntho ea pele le a tseba, ha hlaha mofererefere oa balisa, le har'a boramakromo ba bona, 'me Genese 13 (ho etsahetse'ng?), balisa ba Lota le balisa ba—ba Abrahama. Shebang Abrahama, ketso ea boena, o itse, "Ho se hlahe likhang pakeng tsa rona. Re baena." Lota o ne a bapisa kereke e fofo. 'Me o itse, "Sheba koana, u ka ikhethela. Sohle seo u se batlang, u tsoele pele ho e nka. Ha u leba bochabela, ke tla ea bophirima, joalo-joalo. Kapa, u leba bophirima, ke tla leba bochabela. Ha u ea leboea, ke tla leba boroa, le joalo-joalo. U ka ikhethela." 'Me Lota a se a kile a fihla tlase Egepeta 'me a hloaile botumonyana, a noketse cheletana khetsaneng ea hae.

<sup>98</sup> Ke hona moo kereke e entseng phoso ea eona. Ke bua sena ka hlompho, baena. Kereke ea Pentekosta e ka be e le betere ka moropana, kantle mono koung, ka banna le basali ba mehla ea khale, ka kolobetso ea Moea o Halalelang, ho feta kahara litempelehali tsena le dimoshara tseo ba phelang ho tsona kajeno tlas'a bosaoana bona bohole le linyee. Ke hantle. Ba batla ho itšoara joaloka ba bang bohole. Ke hona moo re e fumaneng teng. Hobaneng le sa ka la lula kamoo le le kateng, kamoo Molimo a le qalileng kateng? Eona ntho eo le ngangisaneng ka eona, 'me le ilé la reteleha le etsa eona ntho eo.

<sup>99</sup> Lota o sebelitse joalo, a theohela Egepeta 'me, ntho ea pele le a tseba, a lebisa mahlo a nqa Egepeta. 'Me eaba o sheba koo 'me a bona Sodoma, majabajaba, ho iketla. 'Me a ea bochabela nqa . . . Hopolang, o ile bochabela sebakeng sa ho ea bophirima le Abrahama. O ile bochabela hobane e ne e le tsela ea boiketlo. A tsoela nqa bochabela.

<sup>100</sup> Kereke e entse joalo kajeno, le a bona, ba khutletse morao. Joaloka ha ke boletse maobane bosiu, letsatsi le chaba Bochabela 'me le ea bophirima. 'Me Mora Molimo o etetse Bochabela pele, le ho ea bophirima. Ba e rothofalitse, ka lilemo tse likete tse peli. "Empa Leseli le tla chaba nakong ea mantsiboea," moporofeta enoa o boletse. Sebakeng sa ho latela Mora, ba khutlela moo Mora a neng a le teng. Kajeno ha u ka bua taba ka pholiso ea Khalalelo, ka boporfeta, ka lineo tse robong tsa moea, kapa ho hong; "Ha re khutleleng morao re bone seo Moody a se buileng, seo Sankey a se buileng, seo Knox a se buileng, seo Calvin a se

buileng.” Ba phetse letsatsing leo Mora a neng a chabile mono; re a tloha re ea phethehong! Amen!

<sup>101</sup> Rasaense oa Mofora o boletse, lilemong tse ka bang makholo a mararo tse fetileng, o e pakile ka ho phikolosa bolo fatše, a re, “Ha motho a ka tsamaea lebelo le tšabehang la limaele tse mashome a mararo ka hora, matla a khoheli a ne a tla ba tlosa lefatšeng.” Ho e paka ka mahlale. Le nahana hore mahlale a kile a lebisa nthong eo? Che, monghali! Ba li tsamaisa ka limaele tse ka bang likete tse peli ka hora, ba ntse ba leka ho ba isa hojana. Ha ba hetle morao mono.

<sup>102</sup> Empa bareri, “Re tla hetla morao re bone seo Moody a se buileng, seo Sankey a se buileng.” Ke moo Mora a kileng a *teng*. Ke ena moo E leng teng kajeno! E Lebopong la Bophirima, nakong ea mantsiboea, alleluia, ho chabis Maseli a mantsiboea! Ha se ho khutlela morao tokafatsong ea Luthere kapa khalaletsong ea Wesley; empa re letsatsing la ho qetela, amen, mohla Maseli a mantsiboea a chabileng, mohla re leng nakong ea ho qetela. Ho sala Mora morao.

<sup>103</sup> Empa Lota a khutla hobane ho ne ho le bonolo, boiketlo. Shebang Mof. Lota mohla a fihlileng morao mono. Khele, e tlameha ebe e bile mofumahali oa lisosaiti motse. Lota ea e-ba ramotse. Oh, moena, ba ne ba e finyeletse, khele, ke batla ho rialo!

<sup>104</sup> Batho ba nkile Mof. Lota joalo kajeno. Shebang boitšoaro ba batho ba rona kajeno. Shebang batho ba rona likerekeng, shebang feela. Shebang basali ba rona, ba shebeng kajeno.

<sup>105</sup> Ke—ke ne ke le Hollywood le leng... kapa Los Angeles, nakoana e tsoa feta, Ke emetse Moena Arganbright ho nyoloha. ‘Me mono ho eme ngoanana, a nyolohela mono. Ka talima, ‘me ka thekesela. Ka mo sheba. Ka nahana, “‘Na ke momishinari. Ke bone lefu la seo, ke bone lepera, empa ha ke eso bone ntho e kang eo.” A le mokuto o mong ona oa hloohometsi, ena, le a tseba, le a tseba, seo le se bitsang, ekare hloohometsi, le a tseba, e—e Mofumahali oa Pele, yaa, joaloka Jezebele, joalo. ‘Me a le boputsoa le botala; ‘me e ka ba mosali ea bohehang; empa nyee tseo tsohle holima hae, a tšoana le Lehotenoto la Moafrika. Ka nyoloha, ke tla rapella mosali eo. Ka nahana, “Mofumahali, ha u sa tsotelle, ke rapella bakuli. Ha ke eso bone ntho e kang eo. Mpolelle hore na ke eng.” ‘Me eaba mosali e mong o qala a qoqa le eena, ‘me le eena a le joalo. Oh, khili!

Oh, le re, “Eo e ne e le Moprebeteriene.” Mopentekosta! Ehlide.

<sup>106</sup> ‘Me Bibebe e boletse, “Ke ntho e lihlong ha mosali a kuta moriri oa hae.” Ha a e etsa, o hlompholla hlooho ea hae. O hlompholla lengeloi, lengeloi la Leseli. Mangeloi a Kereke a Supileng, a tlisang Leseli a tla lula le Lentsoe. Tlotlollo! O lokela ho ba le moriri hloohong. Khele, lilo tse joalo! ‘Me e kile ea eba

phoso ho bona ho e etsa. Ho—ho Pentekosta ea pele, ho ne ho fosahetse. Ho etsahetse eng? Le mathile hantle, ho etsahetseng?

<sup>107</sup> 'Me basali ba rona ba bang ba Pentekosta ba apara meso e tšoanang le letlalo holima soseje, kantle mona kae-kae ho leka... Ke hantle! Ha ke etse motlae. Sena ha se sebaka sa ho soasoa. Sena ke sefala.

<sup>108</sup> Mosali o mpoleletse bosiu bo bong. Ka ba borella kamoo ba neng ba apara kateng. Ho re, a re, "Ha ke apare dishoto. Ke—ke—ke apara lileke."

<sup>109</sup> Ka re, "Ho hobe le ho feta. Molimo o itse, 'Mosali ea aparang seaparo sa monna, ke manyala mahlong a Molimo.'" Ho lokile!

<sup>110</sup> 'Me e re ke u joetse, mofumahali, uena, mosali e mocha, ea ikapesang kantle mono, u tla ikarabela ka bofebe ka letsatsi la kahlolo.

U re, "Ke hloekile joaloka khahla."

<sup>111</sup> Yaa, empa Jesu o itse, "Ea shebang mosali ho mo lakatsa, o se a mo febile pelong ea hae." Ha u a tlameha ho etsa ketso. "Ea halefelang ngoanabo ho se lebaka, o se a bolaile." Le a bona, ntho feela eo u tlamehang ho e etsa. 'Me ekare ha moetsalibe eo a u sheba kamoo u apereng, ka mokhoa oa hau, u honyetse morao, le ho tomoloha, le ho honyela kahare, le ho apara liaparo tsa mofuta oo, le ho tsoa. Joale mamela, ha se metlae! Ena ke Evangel! 'Me u tloha joalo, 'me moetsalibe e mong a u sheba ho u lakatsa. Ka letsatsi la kahlolo, mohla a arabelang bofebe, e bakiloe ke mang? U entse joalo. U tla e arabella hobane u ile oa ipepesa joalo.

<sup>112</sup> Hobaneng, u re, "Ha—ha ba etse mofuta o mong oa liaparo." Ba etsa machini a rokang, 'me ba ntse ba rekisa masela. Ha se boitatolo ho hang! Ke kahobane u tlohile Lentsoeng! Taba eo ha e a tuma. E thata.

<sup>113</sup> Moreri e mong ea tummeng o tlide letsatsi le leng, 'me a mpea matsoho, ho re, "Ke tla u bea matsoho 'me ke leleke bobe."

Ka re, "Eng?"

<sup>114</sup> "Ka ho bua joalo ka basali bao." A re, "Batho ba u lemoha u o le moporofeta."

'Me a re, ka re, "Ha ke moporofeta oa letho."

<sup>115</sup> A re, "Ba u nka joalo, Moena Branham." 'Me a re, "U loketse hoba u be u ruta batho bao, basali bao, mokhoa oa ho fumana mahlohonolo a maholo a moea. Le ho 'na u ba borella ka ho kuta moriri oa bona le lintho tse joalo. Ba ke ke ba mamela seo."

Ka re, "Ke a e tseba."

Ho re, "Hobaneng u sa ba ruta lintho tse kholoanyane?"

<sup>116</sup> Ka re, "Nka rera joang, ho ba ruta algebra athe ha ba tsebe le li-ABC tsa bona, le boitlhompho ba tloaelo ha bo eo?"

<sup>117</sup> 'Me lona banna le tla lumella basali ba lona ho itšoara joalo, ke u hlompha hanyenyane joaloka monna oa Mokreste, Peo ea Abrahama. Amen! Nka mpa ka e tlohela, ke tla etsa hore le eme bohole 'me le ee hae. Ho lokile. Ka le leng la matsatsi ana u tla hlolleha ho fumana ntho e 'ngoe holimo Mane.

<sup>118</sup> U re, "Ha e etse phapang ea letho." E entse ho Pauluse. E entse ho Molimo, tšimong ea Edene. Bibebe e boletse mosali a loketse ho ba le moriri o molelele! 'Me kantle ho eona, u hokae? Che, u re, "Ha e etse phapang ea letho." Bibebe e itse e a e etsa! U se lumelle liabolosi ho e behela mabaka, le ho u bolella, "Ke seojoale-joale, se lokile." Ha e a loka! U itse, "Ha ke a e tseba pele." U a e tseba joale. Le a bona? E batlisise 'me u fumane haeba e lokile. Ke tla e tlohela, le a bona. Ho lokile.

<sup>119</sup> Genese 13, seojoale-joale, uh-huh; ho khutlela moo Mora a neng a le teng, e seng moo Mora a leng teng; moo Mora a neng a le teng, leha ho le joalo. Mosali, ha ke nahana, mosali oa Lota, kamoo a ileng a kena sechabeng!

<sup>120</sup> Re sebelitse joalo sechabeng. Re fihlela lintho li le joalo kahara Mapentekosta. Re fetoha, re hloma mokhatlonyana ka *mona*, le nthoana khahlano, e 'ngoe khahlano le e 'ngoe, le khahlano le *sena*, 'me ba etsa... Le kentse eng feela. Ke hantle feela.

<sup>121</sup> Samuele o itseng mohla Baiseraele ba batlang ho—batlang ho hloma morena, ba batla Saule e be morena? Samuele a tla ho bona, a re, "Na nkile ka le qela chelete ho iphelisa? Na nkile ka le bolella letho ka Lebitso la Morena haese se etsahetseng?"

<sup>122</sup> Oh, ba re, "Ehlide, u moporofeta oa Molimo. U re boleletse 'Nete, 'me seo u se boletseng se etsahetse, empa re batla morena, leha ho le joalo."

<sup>123</sup> 'Me nako efe ha u qala u lahlela marapo, le ho lumella *sena* le *sane*, le ntho e 'ngoe le e 'ngoe e kene ka mokhoa oo, u khema le seojoale. 'Me kereke e itšoanelia le tse ling tsohle kajeno. Seo re se hlokang ke tlhoeviso ea ntlu ea Pentekosta! Ke hantle feela. Amen. Ke lihlong ha Mobaptise a tlameha ho le bolella hoo, ha ho joalo? Empa ke 'Nete. Ho lokile! Ke lumela Bibebe, ke lumela Lentsoe la Molimo le nepahetse. Ho lokile.

<sup>124</sup> Abrahama, eaba Abrahama o nka... temaneng ea 14 ea khaolo ea 13, hoba Lota a ikarole, 'me Abrahama a mamela Molimo ka botlalo, eaba Molimo o tla ho eena. Joale O itokiselitse ho mo hlohonolofatsa.

<sup>125</sup> 'Me ho fihlela kereke ea Pentekosta e suthela hole le litumeloana tsohle tsa eona le litsomo, 'me ba itšoere joaloka lefatše 'me ba shebahala joaloka lefatše, 'me ba bua joaloka lefatše, le ho lula hae ka Laboraro bosiu ho shebella *Re Rata Susie* sebakeng sa ho tla kopanong ea thapelo, le lintho tse kang tseo, ho lefa karolo ea leshome ho moreri e mong kantle mona lenaneong la seea-le-moea ho soma eona ntho eo u e emelang, ho

lokile, le linyee tsena tsa mefuta ena eohle tse ntšeletsoang ka lebitso la pentekosta, ke lihlong!

<sup>126</sup> Ke buella Borakhoebo ba Bakreste, machabeng. Bongata ba bona bo lutse mona joale. Mona bosiung bo bong, mona e ka ba selemo e etsahetse, e hlahile, ke ne ke le Jamaica. 'Me ba ne ba memme likhalala tsohle tsa lihlekehleke bosi bo le bong, 'me banna bana ba ntse ba ema, ka bopaki, "Khanya ho Molimo! Ke ne ke le rakhoebonyana tlase koung. Allelua, ke na le di-Cadillac tse 'ne joale. Khanya ho Molimo!"

<sup>127</sup> 'Me ka khutlela holimo mono Flamingo Motel bosiung boo, ka ema mono, ka re, "Le hlabisa lihlong!" Ka re, "Lona banna mona ba emelang Kreste, le leka ho bolella rakhoebo hore le ruile hakae, o ruile tse fetang tseo nang le tsona kapa tseo o u ka bang le tsona." Hoo ho fapane haholo le mapentekosta a pele. Pentekosta ea pele e rekisitse ling tsa bona, 'me ea aroleloa mafutsana, 'me ea tloha ea bolela Evangel. Ho lokile!

<sup>128</sup> Sebininya sa Moswedishi se tsoang Chicago, nke ke ka 'mitsa ka lebitso. Ke ngoan'eso ea ratehang. O ile a ema, ho re, "Moena Branham, leha koana u... Re a lumela u moporofeta, empa ke tla u bolella hona joale, 'U fositse.'"

Ka re, "Mpolelle kae, moena."

<sup>129</sup> A re, "Be, batho bao ba rekisitse ling tsa bona, ba li bea maotong a baapostola, ba li aba." A re, "Ketso e mpe-mpe eo ba kileng ba e etsa."

<sup>130</sup> Ka re, "U batla ho mpolella hore Moea o Halalelang o sebetsa ka phoso?"

'Me a re, "E ne e fosahetse. Ke tla u tiisetra eona."

Ka re, "Hobaneng?"

<sup>131</sup> Ho re, "Joale mehleng ea hloriso, ba ne ba se na moo ba ka eang teng. Ba lelera, hohle."

<sup>132</sup> "Hantle feela thatong ea Molimo, ho rera Evangel hohle moo ba neng ba ea teng. Ba se na moo ba ka khutlelang teng." Molimo ha o etse liphoso tsa letho. Ho lokile! Oh, ke phapang e kakang; pentekosta ea mehleng, le Pentekosta e leng teng. Yaa, ke eo.

<sup>133</sup> Hoba Abrahama a ikarole ho Lota, hantle feela seo Molimo a mo laetseng ho se etsa. "Arohana le sebe se seng le se seng se re tšoasang habobebe, ntša tsohle!" Ke moo, Molimo a re, "Abrahama, joale u mojalefa oa lintho tsohle. Sheba bochabela, sheba bophirimela, sheba leboea, sheba boroa, haola le naha eohle, ke ea hau eohle!" Amen.

<sup>134</sup> U arohana le ntho ea hau, uena ho tloha sebeng, ho se lumele. Sebe se seng feela, 'me sona ke ho se lumele. Ho feba hase sebe, ho noa joala hase sebe, ho bua leshano hase sebe; tseo ke litholoana tsa ho se lumele. Holane u lumela, u ne u sa tlo etsa lintho tseo. Ruri. Jesu o boletse ho Santa Johanne 5:24, "Ea utloang

Mantsoe a Ka 'me a lumela ho Ea Nthomileng, o na le Bophelo Bosafeleng," Zoe eo, Moea o Halalelang, hoba a lumetse. Ka nepo. Joale, ho fihlela u amohela Hoo, u moi pehi-tumelo, kahara seholpha seo. Empa mohla ba hlileng ba lumela, ho ikarola, ha le ikarola ho se lumeleng ha lona hohle, le ho lumela Molimo, ho tsamaea ka thata, u jere Melao, ho etsa tsohle tse lokileng, ke moo Molimo o tlang ho re, "Tsepiso e 'ngoe le e 'ngoe e Bukeng ke ea hau." Amen. "Tsohle ke tsa hau! Ho tloha ho Eona, ho tloha Genese ho isa Tšenolo, ke ea hau eohle!" Amen. "Ekareha le lula ho 'Na le Lentsoe la Ka ho lona, le ka kopa seo le se batlang, se tla etsoa." Eng? U tlameha ho ikarola, pele, ho se lumeleng ha hau.

U re, "Moena Branham, u e atametsa haufi haholo."

<sup>135</sup> Jesu o itse, "Matsatsing a Nohe ho pholohile ba robeli. Joalokaha ho bile mehleng ea Nohe, le ho tleng ha Mora motho ho tla ba joalo."

<sup>136</sup> "Ke ba bakae bao, Moena Branham?" Ekaba likete tse robeli, ekaba limilione tse robeli, ha ke tsebe ke'ng. Empa e tla ba ka palo e fokolang. A le mong ho ba likete tse lekholo, kapa ntho e kang eo, nka rialo. Ho lokile.

<sup>137</sup> Tumelo ea mohopolo, tumelo ea kelello, kantle ho boiphihlelo ba tsoalo ea bobeli, maikutlo, tumeloana ea bokereke! Haeba Moea o Halalelang oa 'nete o le teng ka mono, E tla omela Lentsoe leo; 'me Lentsoe leo le tla phela hantle feela joalokaha Le boletse Le tla etsa, hoba ke Moea o le mong o Le buileng, o Le bua ka uena. Le tlameha ho phela. Ruri, ho joalo. Hase lona ba buang, empa ke Ntate ea ahileng ka ho lona, ke Eena Ea buang. Ho lokile.

Abrahama, mojalefa oa lintho tsohle.

<sup>138</sup> 'Na, mohla ke neng ke tlatsoa ka Moea o Halalelang joaloka lona batho, ke rata ho haola ke feta, 'me, joaloka moliko o moholo, tsohle mono ke tsa ka. Ke mojalefa oa karoloana efe ea eona. 'Me haeba ke le mojalefa oa moliko, ke—ke batla ho tseba seo ke se ruileng. Ha ke e-ba Mokreste, ke ne ke batla ho tseba seo ke se ruileng. Kahoo haeba ke ruile moliko, ke ne ke tla haola, 'me ke hule drowara ke bone se leng kahare ka mona, le ho sheba *mona* le ho bona se kahare ka mono; ka linako tse ling eka se batla se le holingoana, Ke iphumanela lere ke a e hloa. Ke ne ke tla fumana seo e neng e le sona. Haeba ke batla ke sa e finyelle e le hole ka mona, ke ne ke tla khumama ka mangole a ka ke qalelle ho rapela ho fihlela ke phahamela ho eona. Ke ea ka! Molimo o e tsepisitse. Pholiso e Mokhethoa, Matla a Molimo, mehlolo ena eohle le meeka le lipontšo, O e tsepisitse.

<sup>139</sup> Ho re, "Moena Branham, lintho tsee li sebetsa joang?" Ka tsepiso ea Molimo. Amen.

<sup>140</sup> Peō ea Abrahama! Khanya! Ke ikutloa ke thabile. Nka shebahala ke hlanya 'me ke itšoere bohlanya, empa nteseng feela.

Ke ikutloa hamolengoana ka tsela ena ho feta kamoo nkileng ka ikutloa ka tsela e 'ngoe. Le a bona?

<sup>141</sup> Khaolo ea 14, re ea ho Abrahama, joale re fumana ho khaolo ea 14 se etsahetseng. Likhosi li theoha li tsoa libakeng tse fapaneng tsa naha, 'me tsa hlabla selekane le likhosi tsa Sodoma, le ho kena le ho hapa Sodoma, ho hapella Lota; ngoan'abo Abrahama Moreneng, ho mo ntša, moena oa hae ea fofa oa phutheho ea bolumeli, le ho tloha ba mo nkella. Joale, hopolang, Molimo o ne a sa tsoa bolella Abrahama ha thoe tsohle tse naheng e ne e le ea hae.

<sup>142</sup> "Me ba bonolo ba tla ja lefa la lefatše." Le re re a hlanya? Re tla rua lefatše, se leng holim'a lefatše! Ehlile, re majalefa a lona.

<sup>143</sup> Shebang Satane, o itse ho Jesu, "Ha U ka itihela fatše oa nkhumamela, ke tla U nea lefatše lena." Mebuso eohle e laoloa ke liabolosi, o mong le o mong oa eona. Jesu o boletse joalo. Bibebe e a e bua. Sechaba se seng le se seng le 'muso o mong le o mong o laoloa ke liabolosi. 'Me Satane a re, "Ke li ruile. Ke tsa ka. Ke tla neha tsona ha U ka nkhumamela."

<sup>144</sup> Jesu o tsebile hore O bile Mojalefa oa eona Lilemong tse Sekete, ka hona A re, "Tloha ho 'Na, Satane." O tsebile hore E ne e le Mojalefa oa eona.

<sup>145</sup> 'Me kajeno ba bua ka batho ba hlanyang ba khumamelang Morena le ho tsoaloa labobeli. Ba tšaba seo "ho tsoaloa labobeli." Ba mpa ba sa rate mohopolo oo, 'me ba e anantse ka ho hong. E mong oa bona o anantse ho tsukutla letsoho; e mong, hofafatsa hanyenyane ka metsi; e mong, a ntše leleme la hae 'me a je bohojana; e mong, a tantše hohle fatše. Ke Tsoalo! Joalokaha ke boletse bosiusing bo bong, "Tsoalo e bohlasoa, ha ke tsotelle moo e leng teng. Haeba e le ka lesakeng la likolobe kapa phaposing ea sepetlele, ke tsoalo, e a nyonyeha." 'Me le Tsoalo e ncha e joalo, E a u harola, empa mahlekeng ao ho tsoa Bophelo bo bocha. Amen. Ee.

<sup>146</sup> Abrahama o tsebile hobane tsohle ke tsa hae, ka baka leo, eitseha Lota a kena, a re, "Joale ema motso." Lota o ile a haptjoa ke matsoho a sehlōhō a sera. A re, "Ke ngoan'eso eo, 'me ke tla mo sala morao." Joale hopolang, marena a supileng kapa a robeli mono a ne a phuthehile 'moho, 'me a theoha a hapa tsohle 'me a fiela a tsoa le eona. 'Me eitseha ba etsoa, Abrahama a hlomela bahlanka ba hae a mo sala morao, ho khutlisa moena oa hae ea lahlehileng. Eo ke Mokreste oa sebele, a sala mor'abo ea lahlehileng morao! A etsa'ng ha a mo fumana? A hlabaka marena; 'me a khutla, a tlisa ngoanab, kamora ntoa.

<sup>147</sup> Bonang, mono ho tsoile Khosi e 'ngoe ea mo khahlanyetsa, ha a khutla, Melkisedeke. Melkisedeke, E ne e le eng? O ne a se na ntate, A se na 'mè. Ha A eso tsoaloe, ha A shoe le ka mohla. Ea se nang ntate, ea se nang 'mè, ea se nang qalo ea matsatsi kapa pheletso ea bophelo. (E ne e se Mora oa Molimo; hobane O ne a

ena le Ntate le 'mè, bobeli boo bo tsoetsoe 'me bo shoele, le ho tsoha hape.) Empa Monna enoa ha eso be le le ntate kapa 'mè, Ke Molimo! Ehlide, Ke Ntho e le 'ngoe feela e leng Bosafeleng.

<sup>148</sup> 'Me O kopane le Abrahama hoba ntoa e fele, ho e bontša Peo ea Abrahama; hoba re sale moena oa rona ea oeleng, 'me ntoa e felile. Melkisedeke o tekile eng? Veine le bohobe, selallo. Amen. Mohla ntoa e felileng, moena! Ho khutla, ho khutlisetsa ngoanabo ea lahlehileng hae hape, ho mo busetsa. 'Me mohla ntoa e neng e felile, Melkisedeke o kopane le eena 'me a mo fa selallo. Jesu o itse, "Ha Ke sa tla ja kapa ho noa se beoang ke tholoana ea morara ho fihlela Ke se ja le lona ka bocha 'Musong oa Ntate oa Ka." E, monghali. Joale ntoa e ne e felile, Abrahama o ne a khutlile, khaolong ea 14; 'me Mohloli a mo khahlanyetsa, mohla a neng a kena le Mohloli.

<sup>149</sup> Genese 15 joale, pele re koala, hoba ke nako ea ho koala joale. Mamelang ntho e 'ngoe hape pele re tloha.

<sup>150</sup> 'Me ke tla tlameha ho nka sena hosane bosiu hape, hoba ha ke eso fihle tabeng ea ka, Ke sa tla fihla sebakeng sa ka, ho *Jehova-Jire*. Ke batla ho e theolela tlase mono, ha Morena a ratile.

<sup>151</sup> Joale khaolong ea 15, ke fihlile mona moo selekane se tiisitsoeng ho Abrahama, netefatso ea selekane. Ka mantsoe a mang, ke mohla Molimo o neng o hlapanya, 'me mohla Molimo o neng o etsa tsepiso 'me oa tiisa tsepiso ho Abrahama. Khaolong ea 15, re a fumana, tiiso ea kano eo Molimo o e boletseng.

<sup>152</sup> Abrahama a re ho Molimo, "Mojalefa oa ntlu ea ka e ntse e le Eliezere enoa oa Damaseka."

<sup>153</sup> 'Me A re ho eena, "Empa eo ha se mojalefa oa hau, hobane ea tsoang maleng a hau ke mojalefa oa hau." 'Me Oa mo tsepisa.

Ho re, "Ke tla tseba see joang?"

<sup>154</sup> Oh, joale, baena, ntho e tla le phaphamisa ke ena! Mo hlokomele. A re, "Tloha, u Nkhethela pōli e tšeħali ea lemo tse tharo, le sethole, sa lemo tse tharo, le pheleu ea lemo tse tharo." Eaba Abrahama o a li nka, le leebakhoroana a mabeli... leebakhoroana le leeba.

<sup>155</sup> Joale, leebakhoroana le leeba li a bapisoa; liphoofofolo tsena tse lemo li tharo, 'me li ne li le tharo. Joale O tilo etsa selekane, ho tiisa selekane. Joale mamelang hantle, le se ke la e fosa. 'Me re tla e thonaka hosane bosiu ha A kopana le eena mona hape, ha Morena a ratile. Shebang.

<sup>156</sup> Joale O itse, "Nkhethela e-e sethole sa lilemo tse tharo, le poli e tšeħali ea lilemo tse tharo, le pheleu e lilemo tse tharo, le leeba, le leebakhoroana."

<sup>157</sup> Eaba Abrahama o a tloha a nka liphoofofolo, a li khekhetha, a li rapalatsa, mokhekheto mabapa le mokhekheto; empa leebana-khoroana le leeba, ha a ka a khethetha leeba-khoroana le leeba. Leeba-khoroana le leeba ke lelapa le le leng. Ka hona

hoo ho bapisitse pholiso ea Khalalelo, etsoe lilekaneng tseo ka bobeli li tlile ka tumelo, le a bona, baa folisoa; se seng ho ea ho se seng, se seng. Efela ha selekane sa khale se ne se ena le pholiso ea Khalalelo, Sena se e tšoere hakakang! Le a bona, efela ha sehlabelo sa khale se ne se ena le pholiso, ho ka thoeng ka Sena se fetisang ka molemo! Le a bona?

<sup>158</sup> Joale, empa hlokamelang seo a se entseng mona. O nkile liphooftolo tsena tse tharo a li khekhetha, 'me a li rapalatsa, sekoto mabapa le sekoto. 'Me eaba Abrahama o a khutla. Joale, seo e ne e le sehlabelo. 'Me a sheba ho fihlela letsatsi le likela. 'Me linonyana tsa theoha sebakeng, holima sehlabelo sa Abrahama, manong. 'Me Abrahama a leleka, a tebela.

<sup>159</sup> Ke papiso ea eng ena? Peo ea Abrahama letsatsing la qetelo, e leleka matemona Sehlabelong, ho a leleka Sehlabelong. Molimo o e tsepisitse, Sehlabelo, Kreste, eena maobane, kajeno, kamehla, 'me meea eo eohle e sa lumeleng e ntse e leka ho Se harola. Monna oa Molimo, Peo ea Abrahama, eeme mono e ntse e leleka matemona, hole le Sona! Ho tiisa selekane joale, thasisetso, ho bontša hore Peo ea Abrahama ka har'a... Ke bolela Peo e tsepehang ea borena. Hopolang, peo ea tlhaho e hlolehile, hoba e amohetse molao litulong tsa Lentsoe la mohau. 'Me ho joalo le lebakeng lena la "phenyo," ho Balichaba letsatsing la ho qetela. Empa Peo ke eo, Peo ea borena ka Lentsoe, e emang e tīle, e leleka matemona, e etsa mehlolo e meholo le meeka, ho tlosa ho se lumele hohle Lentsoeng, ho boloka Sehlabelo se hloekile, ho boloka Lentsoe le halalela, ho Le boloka le hlomphuoe; ho se sunye letho ho Lona, ho eketsa letho ho Lona; ho e thibela feela, ho e lebela, ho se lumelle letho ho Le ama.

<sup>160</sup> Joale hlokamelang, eaba ho fihla boroko bo boholo holim'a Abrahama, lefu. 'Me kamora boroko bo boholo, o bone sebopi sa mollo, e leng lihele, se kubellang, tseo moetsalibe e mong le e mong a lokelang ho ea ho tsona. Empa kapele ka mono ha hlahla Leseli le lesoeu le lenyenyan. Shebang Leseli le lesoeu leo le lenyenyan, la haola lipakeng 'me la arola mahlabelo ana, la kena lipakeng tsa sona, Molimo o a thasisetsa seo O tlang ho se etsa ka Peo ea Abrahama.

<sup>161</sup> Joale, kamehla Bajuda ba lumetse Molimo o le Mong. 'Me Molimo o Mong. Empa O ne a bontša mona, ka mahlabelo ana a hloekileng a mararo, hore boraro-bo-bong ba Molimo bo tla bapisoa ho a le Mong Bomolimong ka 'mele.

<sup>162</sup> Joale hlokamelang khaleng—mehleng ea khale, mehleng ea bochabela, enereha selekane se etsoa, ba ne ba se etsoa ka tsela ena. Joaloka, ha re fihla 'me ra bolaea phoofolo, ra arola phoofolo ka lehare, 'me ra ema pakeng tsa phoofolo, 'me teng ra ngola selekane. Hona joale Chaena...

<sup>163</sup> Kamoo Japane, ha ba etsa selekane, ba tsipa bohashana ba letsoai 'me ba eme ba etse tsepiso ea bona, 'me ba hasana

ka letsoai. Ho joalo Japane, ha ba hlabo selekane, ba hasana ka letsoai. Letsoai ke monatefisi, le a bona. 'Me ba tselana ka letsoai, seo ke e—seo ke e—selekane.

<sup>164</sup> Joale Amerika, kamoo re etsang selekane, re a tsoa 'me re a ja, 'me re tsukutlana ka matsoho, "Mphe letsoho la hau, moshanyana. Na ho lumellanoe?" "Ho lumellanoe!" Seo ke selekane.

<sup>165</sup> Empa mehleng ea khale, mehleng ea Abrahama, kamoo ba neng ba etsa selekane e ne e le ka ho hlabo sehlabelo, le ho ema lipakeng tsa sehlabelo sena; 'me eaba, ha ba etsa joalo, ba ngola selekane holim'a letlaloana la konyana, ba ntso le tabola. [Moena Branham o tabola sekhechana sa pampiri ho bapisa—Mohl.] E mong a nka sekoto se seng, le e mong o nka se seng. Joale mohla selekane sena se ne se tiisoa 'me se teanngoa 'moho, ho ne ho se motho ea ka se qopitsang. Le a bona, se loketse ho teanngoa, tlhaku ka tlhaku, hantle feela kamoo se neng se le kateng. Hoo ho bontša mong'a sekotoana sena oa makhonthe o na le seabo, sena ke selekane se tšoanang, li tlameha ho kopana le ho teana hantle feela ka ho tšoana.

<sup>166</sup> 'Me Molimo o ne a bontša Abrahama mono, hore ka Peo ea hae, hore Molimo ka Sebele o tla fetoha nama 'me a ntso lokela ho khekhethoa Kalvari; moo Kreste, e leng Molimo lefatšeng, A ileng a khekhethoa teng. Molimo a Mo hahola, Peo ea borena ea Abrahama, le ho ntša Bophelo ho Eena; le ho nyolla 'Mele, ho lula Teroneng ea Hae Leholidong; le ho romela Moea oa Hae holim'a Kereke, hore Kereke e lokela ho ba le 'ona—'ona Moea o neng o le ka ho Kreste ho se teanya 'moho, ho etsa Kreste eena maobane, kajeno, le kamehla! Thasisetso ea selekane, Molimo o tiisa selekane. Molimo o a arola, ho hahola Bophelo ho Kreste, Mora oa Hae, ho nka Moea ho Eena; joalokaha A ne a khekhettha liphofolo tsena habeli, ho ema lipakeng tsa liphofolo. Leseli, Molimo ka Sebele, oa kena lipakeng tsa tsona, ho bontša hore O arotse 'Mele: Peo, Peo ea borena; le ho nka Moea le ho O romela hape holim'a Kereke. 'Me Kereke ea kajeno e eang ho kopana le Kreste, e tla lokela ho rua 'ona Moea oo A neng a o ruile, hoba e tlameha ho ba Letere ka Letere, Lentsoe ka Lentsoe. 'Me Eena ke Lentsoe! Jesu o itse, "Ea" (lereo la motho) "lumelang ho 'Na, mesebetsi eo Ke e etsang o tla e etsa le eena." Ho thasisetsa selekane, Bophelo bo leng ka ho Kreste bo tla ba ka hara Kereke, Peo ea borena ea Abrahama.

<sup>167</sup> Motsoana, baena, holim'a Pentekosta. Mohla ba neng ba le phaposing e ka holimo . . . Holane la fihla mono 'me la bona moralo oa 'nete, kamoo o neng o raloe kateng, ba potela ka setepisi kantle le ho nyolohela phaposing e kaholimo. Ba ne ba hotetsa likandelare tsa oli ea mohloaare. Ba hlotse holimo mono matsatsi a leshome le masiu, menyako eohle e koetsoe. "'Me hang ha utloahala molomo o tsoang Leholidong o kang moea o fokang ka sefefo, ntlu eohle eo ba lutseng ho eona ea tla

Oona. Maleme a arohaneng a kang mollo, maleme a malakabe a mollo, a lula holima e mong le e mong oa bona. Bohle ba tlala Moea o Halalelang, ba mathela kantle lebaleng, ba bua ka lipuo tse ling.”

<sup>168</sup> Lemohang, malakabe ana a Mollo e ne e le eng? E ne e le Topallo ea Mollo, Moea o Halalelang, Molimo, Lengeloi le ba tsamaisitseng lefeelleng, Le ileng la bonahatsoa ka pel'a bona. Molimo o ne o Ikarotse le ho Ihetha hara batho, Moea o Halalelang, ‘me ‘moho re Kereke ea Molimo o phelang. Selekane! “Abrahama le Peo ea hae ka mora hae, Peo ea borena.” Bona Bophelo bo neng bo ahile ka ho Kreste, ka Kerekeng, bo etsa eona mesebetsi eo Kreste a e entseng. Amen. Ke ntho e babatsehang hakakang, metsoalle!

<sup>169</sup> Ke nako feela, ke tlameha ho koala sena feela. E, ke tla siioa ke nako haholo. Ke tla . . . Na ho ka loka ha nka e thonaka hona mona hosane bosiu? Ke batla ho fihla ho *Jehova-Jire* hampe haholo. Empa ke batla hore le bone seo e leng sona, hore taba ea ho ipolela u le Mokreste, baena, ke nako ea kereke ho fumana . . . Haeba Molimo o entse litšepiso tsena, ke tsa ‘nete. Li tlameha ho phethahala.

<sup>170</sup> Ha re inamiseng lihloho tsa rona motsotso feela. Taba ena e khohlahetse e thata. E a hlaba. Ha ke rate ho etsa joalo. Moreri o mpoleletse, a re, “Moena Branham, hobaneng *hore-le-hore*, u etsa seo?”

<sup>171</sup> Ka re, “Ha ke na mananeo a thelebishene a tšehetsoa, seeale-moea. Ke tsamaea tjena, moo nka eang teng.” Ka re, “Ke mang ea tla ba bolella? Kolu e tlameha e be teng kae-kae e e buang.”

<sup>172</sup> Joale Molimo o teng mona, metsoalle. ‘Me haeba u ipitsitse Peo ea Abrahama, le ho nahana u . . . Joale u se . . . Mamelang, ke soule ea hau, motoalle. Ke soule ea hau. U se ke oa nka monyetla ka eona, hoba bosiusing bona e ka ba khetlo la ho qetela u fumana monyetla ho etsa. Ha u le lihlong ka bophelo ba hau, u ntse u ipitsa ngoana oa Molimo, le ho phela kamoo u phetseng; ‘me u lumela hore Lentsoe la Molimo ke ‘nete, ‘me u fositse, ke batla u rapele nakoana feela, le ho kopa Molimo ho hlahluba bophelo ba hau. Rapela feela.

<sup>173</sup> Ntate ea Maholimong, bona e ka ba bosiu ba ho qetela ho bongata ba rona. Ha re nahana, masiu a ‘maloa a fetileng mane Los Angeles, mono keha ho lutse mosalimoholo oa lilemo tse mashome a supileng, ‘me a nyolohela aletareng ‘me a nehela bophelo ba hae ho Kreste. Bosiung boo a shoela betheng. Mohau oa Molimo, horeng eo ea ho qetela. Kamora ho phela lilemo tseo tsohle a sa Mo tsebe, eaba o bitsoa horeng ea ho qetela. Mohau o makatsang.

<sup>174</sup> Ntate Molimo, bua le lipelo mona bosiusing bona. U tseba morero oa sena. U a tseba, Ntate, ke e—e ka khona ho fihle mohla ntho e tlamehang ho etsoa. Re—re bona maemo, le kamoo ho

ntseng ho mpefala ka linako tsohle. 'Me re a elelloa mongoaha oa kereke ea Pentekosta, matsatsing a qetelo, ke Mongoaha oa Kereke ea Laodisea, ona feela oo Kreste a ileng a ntšoa kerekeng, a eme, a kokota a leka ho khutlela ka hare. Oho Molimo, hauhela.

<sup>175</sup> 'Me joaleka ha ke omantse likhaitseli tsa rona bosiusing bona, Morena, ho ba tsebisa hore morao koana tšimolohong, mohla e neng e qala, e ne e le Eva. 'Me ke ena moo e leng teng hape. Evangelie kene ka Lentsoe, le kamoo a entseng seo a se entseng ('me shebang kajeno) ka ho beha mabaka; shebang 'mae, seo a neng a se hopotse se fapanane, Bibebe eona eo.

<sup>176</sup> Molimo, baena ba rona, joalokaha ke ile ka tlameha ho bua le bona ka thata, Morena. Ke a boulela, ke—ke—ke a ba rata. U a tseba ke etsa joalo, Morena. Ke—ke—ke tsetetse lilemo tse mashome a mararo a motso o mong mona bakeng sa bona, 'me O thasiselitse Lentsoe la Hau, le tse ling tsohle. Morena, ha ke tsebe seo nka hlolang ke se etsa. Empa ha ke bona kereke eo ke e ratang, kereke ea Pentekosta, eona e kileng ea nkemela 'me ea ntšehetsa; Molimo, ke lerato la Bokreste le etsang hore U khaole bobe ho eona. Ke lerato le U etsisang hoo, Ntate. U a tseba ho joalo. 'Me ke ntse ke leka ho bolella batho, "Le se ke la leka ho tsoela mono, ho etsa lintho tsena." Ho—ho lihetsoe marapo, 'me re qhotsitse ka litumeloana tsa rona tse fapaneng le lintho tseo re li kentseng kerekeng, 'me re ntse re tloha matsatsing a mehlolo, ho tloha pholisong e Halalelang, ho sutha ho e—e tsela eo batho ba lokelang ho itšoara ka eona le ho apara.

<sup>177</sup> 'Me U ile oa hlaba selekane le Adama, le se seng le Eva; O ile oa beha selekane se fapaneng, le tse fapaneng ka botlalo, 'me oa bolela ho le phoso ha mosali a itšoara joaloka monna. E ne e tla ba botšehali. O loketse ho ba botšehali e seng botona. 'Me kajeno o leka ho ba botona; monna, botšehali.

<sup>178</sup> Morena, 'me—'me hona mona hantle matsatsing a ho qetela, hantle mona Lebopong la Bophirima, hantle mona qetellong ea tsoelopele, re fumana basali ba ineetse bobolu hantle joalokaha ba entse qalong. 'Me ke ena, e kene hara likhaitseli tsa rona. Oho Molimo, hoo ho roba pelo ea ka feela, Morena. 'Me ke a tseba haeba e nketsa (moetsalibe) hore ke ikutloe joalo, ebe Uena e u etsang, ho bona kamoo ntho eo e fetohang molimo oa mosali. Le bokhabane bona bo hlollang ba Hollywood ea sebe! 'Me esale ho le phoso ho bona ho ea lipontšong tsa litšoantšo, ebile liabolosi o e lahlela hantle ka tlung ea bona, le—le mananeo a mefuta eohle a sa sesefsoang, le mahlapa seterateng.

<sup>179</sup> 'Me, oho Molimo, ke e—ke nako ea bohlanya. Ke nako ea methapo. Ke e—ke mohla motho a ke keng a ema le ho mamela, le ho hlahloba. 'Me tlasa maikutlo, le joalo-joalo, ba sa ntse ba itlaleha e le Peo ea Abraham. Molimo, kamoo U boletseng ho tla ba joalo, mee a tla bapa hakana matsatsing a qetelo, ka boiketsiso, ho ka thetsang le Bakhethoa, hola ke ntho e ka

etsoang. 'Me ke ena moo e leng teng. Molimo, u se lumelle batho bana, u se lumella motho ho etsa hoo. Ka kopo hle, Ntate. Ke a ba rapella, e mong le e mong. Ka Lebitso la Morena Jesu, aba seo.

<sup>180</sup> Joale e re re sa inamisitse lihloho tsa rona. Nka le etsetsa eng le eng. 'Me haeba ke khahlapetsa batho feela ka lonya, Molimo o ke ke a ba le 'na le ka mohla; Ha ke a lokeloa ke ho ba mona, ke loketse ho ba kantle koana ke ratha patsi kapa ntho e 'ngoe. Empa, metsoalle, hoo—hoo ke 'nete, se batlisiseng 'me le bone haeba e se Lengolo na. 'Me e loketse ho senoloa letsatsing lena la ho qetela.

<sup>181</sup> Joale na le tšepehile ka ho lekana? Na u hlile, tlase botebong ba lekhapetla leo le kantle, na ntho ea makhonthe ea 'nete e teng ka uena, hore u ikemiselitse ho lumela hore u fositse? Hlooho ka 'ngoe e sa ntse e inamisitsoe, pelo ka 'ngoe, le boinehelo bo tebileng bo mahlonoko, na u ka phahamisa letsoho la hau, ho re, "Nthapelle, Moena Branham. Ke fositse. Ka mohau oa Molimo ke tla otloloha"? Molimo a u hlohonolofatse, uena, uena, uena. Ke hantle, phahamisa letsoho la hau, O a le bona. Liotloana-moeeng, Molimo o a le bona. Phahamisa matsoho a hau. Na u... Ke eona.

<sup>182</sup> Joale *mona* ho lutse ba bang ba lona basali ba moriri o mokgutšoane, 'me ha le a phahamisa letsoho. Bothata ke'ng ka uena? U phoso! U se ke oa leka ho kopana le Molimo joalo. U tla ahloloa ruri joaloka ha ke eme sefaleng sena. U bolela hore kereke ea Pentekosta e sebopehong se se kana hore e—e—e se tsoile matsoabali ho fihlela e soabela ho lumela hore e phoso? U se ke oa etsa seo. Molimo a u hauhele.

<sup>183</sup> Ke a lumela. Eba le tumelo. E re ke eme hape. Molimo a u hlohonolofatse mono, moratuoa. Molimo a u hlohonolofatse, khaitseli. Ke botle. Phahamisa... Seo... Molimo a u hlohonolofatse. Ke hantle. U ka e amohela hona joale; hoseng e ka ba morao haholo, hora ho tloha joale e ka ba morao haholo. Molimo a u hlohonolofatse. Ke botšepehi boo. Molimo a u hlohonolofatse. E re, "Ke fositse." Ho nka motho oa sebele ho amohela hore ba fositse. Ke ntho ea makhonthe eo. Molimo a u hlohonolofatse, mofumahali. Molimo a u hlohonolofatse, mofumahali. Molimo a u hlohonolofatse. Ke hantle. E, lula u rapela feela. Molimo a u hlohonolofatse. Haeba ke sa bone letsoho la hau, eena ha A sitoe. O tseba mohopolo o mong le o mong o kelellong ea hau. Ke hantle feela. Molimo a u hlohonolofatse, ke bona letsoho la hau. Ke botle. Molimo a u hlohonolofatse, mofumahatsana. Molimo a u hlohonolofatse, khaitseli. Ke botle.

<sup>184</sup> Molimo a u hlohonolofatse mono, mofumahali e mocha. E, phetoho ea litsela tsa bophelo. Pele lintho tsena tsa khale li shoesa peloana ea hau bohatsu, retelehela ho Molimo joale, moratuoa. Ke hantle, u e etse. Ke na le moralinyana mono e ka

ba thaka ea hau. Molimo a u hlohonolofatse, moratuo. Molimo a u hlohonolofatse. E, Molimo a u hlohonolofatse, khaitseli.

<sup>185</sup> Ho ka thoeng ka uena, moena? Ha u itšoabele, ho lesa mosali oa hau ho itšoara joalo le ho apara lishotso, le ho apara joalo 'me a kene seterateng. Ho ipitsa mora oa Molimo? Na ha u itšoabele? Molimo a u hlohonolofatse. Molimo a u hlohonolofatse, monghali. Molimo a u hlohonolofatse. Ke hantle, amohela hore u fositse. Yaa. Haeba u . . .

<sup>186</sup> "Ea patang sebe sa hae a ke ke a atleha; ea ipolelang sebe sa hae o tla utloeloa bohloko." Molimo a u hlohonolofatse. Ba bang hape? Morao ka seotloana-moeeng, holimo mono seotloana-moeeng. O a u bona holimo mono. O tseba mohopolo o mong le o mong o pelong ea hau.

Joale phahamisang lihlooho tsa lona motsotso feelsa.

<sup>187</sup> Ke re bonnyane ho na le ba ka bang mashome a mahlano kapa mashome a tšeletseng ka phaposing ena ba phahamisitseng matsoho a bona, ba banyenyane le ba baholo. Ke a leboha. Eo ke mofumahali le mohlomphehi oa 'nete. Ke a leboha. Ho na le—ho na le tšepo bakeng sa hau ha u ikemiselitse ho amohela ha u fositse.

<sup>188</sup> Pele ke memela aletare, ke tlil'o rapella lisakatuku tsena.

<sup>189</sup> Ntate ea Leholimong, lisakatuku tsena li emetse batho ba kulang, bommè le bontate ba letileng, bana. Khetlo le leng, re rutiloek Bibeleng, hore ba kile ba nka lisakatuku le liforesekoto tse amileng 'mele oa Santa Pauluse. Batho ba 'mone, ba tseba hobane Moea oa Molimo o holima hae. Pauluse a hopola hoba Elisha o boleletse mosali oa Shuneme, ea boleletseng Gehazi, "Nka lere lena u tlohe u le behe holima ngoana." A tseba hoba seo a se amileng se hlohonolofalitsoe. Pauluse, ba nka lisakatuku le liforesekoto 'meleng oa hae, 'me meea e litšila ea tsoa ho batho, mafu a tloha. Joale, Morena, rona ha re Santa Pauluse, empa U sa le Molimo, 'ona Molimo oo.

<sup>190</sup> Ka tsatsi le leng Iseraele hantle leetong la eona tseleng ea kutlo, e ne e habile lefatšeng la pallo. 'Me ntho ea e khaola lefatšeng la pallo, Leoatle le Lefubelu. Mongoli e mong o itse, "Molimo oa sheba fatše ka Topallo eo ea Mollo, ka mahlo a bohale, 'me leoatle la tšoha, 'me la chechisa marako a lona 'me la bulela Iseraele tsela e omileng ho tšeleta lefatšeng la pallo."

<sup>191</sup> Molimo, e tle re ha lisakatuku tsena li isoa ho ba kulang le ba mahlomoleng, Molimo oa Leholimo a shebe fatše ka Mali a Mora oa Hae ka Sebele, liabolose, ea tšoereng bakuli bao, a tšohe 'me a suthe ha lisakatuku tsena tsa papiso ea kopano ena bosiung bona, moo Lentsoe le 'Nete li phethiloeng; ba kulang le ba mahlomoleng ba fole; lipelo tse robehileng, le ho theohela Tlung ea Sebopi metsotsong e seng mekae; aba sena hore liabolosi a tlohe, 'me batho ba tšelete naheng eo ea 'mele o koenneng oo

Molimo o ba tsepisitseng 'ona. Ke romela lisakatuku tsena, ka Lebitso la Jesu Kreste, ka morero oo. Amen.

<sup>192</sup> 'Me Molimo o tseba pelo ea hau. O tseba boemo ba hau. Ho bontša feels; 'me e re ke u bolelle, ho na le seholpha se seholo sa batho ka mona se sa phahamisang matsoho a sona, ba neng ba loketse ho le phahamisa. Joale, ha nka u bitsa ho tsoa sefaleng sena, ho bolela hore u mang, hoo ho ka utloisa maikutlo a motho e mong bohloko. Joale, le mpone ke etsa hoo hangata. Ke fumane, Jesu a itse, "Mofoka le koro li ke li hole hammoho. Mangeloi a tla fihla 'me a tlame mofoka 'me a o chese, pele."

<sup>193</sup> 'Me ke nako ea ho tlama hona joale. O mong le o mong o kena mokhatlong oa likereke, mekhatlo eohle ea liphutheho. Ke hantle. Ke hantle. Selekane sa Lefatše, Lekhotla la Likereke, phutheho e 'ngoe le e 'ngoe ea bolumeli e hulela ka hara ona hantle, ntho e kholo e ntseng e etsahala. Tsohle li khutlela Roma joalokaha ba tsepisitse, "setšoantšo se etselitsoeng sebata," matla, setlamo sa likereke, hantle feelsa seo Molimo o e boletseg e tla hlaha. Ke bao mono, ba le tlohela, 'me ba u bolella e lokile ho etsa sena, 'me ba tšaba ho bua letho ka eona, ho tšaba hore e tla khaola tekete ea lijo kae-kae.

<sup>194</sup> E re ke u bolelle taba, moena ka, khaitseli, Molimo a u senolele hore ke a u rata. Ha se ho fapania; ke ho tšepahala. U se ke oa nka monyetla le o mong. U ke ke oa tlola lebone le lefubelu, ka lebaka la 'mele oa hau. Ho ka thoeng ka soule? U se ke oa tlola le leng la mabone a mafubelu a Molimo.

<sup>195</sup> Ba bang ba lona ba a kula. Lumela ka pelo eohle ea hau. Motho ea tjantjellang ntho e itseng, eba le tumelo feelsa. Ke tla le bontša haeba A hlide, hore ke 'Nete kapa che. Abraham, na le a hopola Lengeloi le tlide ho eena le seo Le se entseng? Bonang haeba e le ntho e tšoanang.

<sup>196</sup> Mofumahali ke enoa o lutse hantle mona, hantle kantle mona, o tšoeroe ke mofetše. O tsoile lethopa, 'me o mothating oa oa karo. O nchebile joale, o khoesitse lifaha tseo tse khubelu molaleng. O tsoa Portland. Empa ha u ka... Haeba ho le joalo, phahamisa letsoho la hau. Ke hantle. Le a bona? Ha ke u tsebe, re basele. Empa hoo ke 'nete. Joale u ka lula joang mono, ka tumelo e lekaneng ho ama seaparo sa Kreste athe Lengeloi leo la Leseli le fihla holima hau joalo, mohau oa Molimo? E amohele, mofumahali. E lumele. E seng hoo feelsa, empa lumela Evangeli eohle.

<sup>197</sup> Mona ho lutse mosali hantle morao mona. Sheba mona, mofumahali. O hlorisoa ke bothata ba mala. Lumela ka pelo ea hau eohle. E, u molata ho 'na. Lumela ka pelo ea hau eohle, 'me u folo.

<sup>198</sup> Ho na le monna ea lutseng pela hau, o lokela ho ea hae. Ha a khone ho lula nako e telele. O na le bothata ka litsebe tsa hae. O na le bothata ka... O ne a tšoeroe ke sefuba, 'me sa mo hohlolisa.

Ha a khone ho e feta, ke e—ke mofuta oa e—e mathata a mangata. Ho lokile, monghali. U sebetsa setšeng sa mofuta se kang sa missile kapa ntho e joalo. U tlameha ho khutlela mosebetsing oa hau. Ke molata ho uena. Haeba lintho tseo e le 'nete, phahamisa letsoho la hau. Ho lokile. Ha u na le tumelo e lekaneng ho ama Morena Jesu, hobaneng u sa be monna oa sebele 'me oa e lumela ka pelo ea hau eohle?

<sup>199</sup> Ho na le mofumahali ea lutseng morao mono, o jeoa ke lefu la mofuta la letlalo matsohong a hae. Ha a tsebe seo e leng sona. Ngaka ha e tsebe seo e leng sona. Le se mo tšoere lilemo le lilemo. Oh, o tlil'o e fosa, ruri joaloka lefatše. Mofumahatsana Daniels, McDaniels. Ke moo. Ida McDaniels, lumela ka pelo ea hau eohle. Ha ke tsebe mosali eo, ha ke eso 'mone. Empa Leseli le holim'a hae.

<sup>200</sup> Ke eng? O a u tseba! 'Me O a tseba hore u fositse! Oona Molimo o buang ka 'na ka tsela ena, o bua ka 'na ka Lentsoe.

<sup>201</sup> Joale, e mong le e mong ka mona ea hlokamelang Boteng ba Molimo, 'me u itseba u ne u fositse, ha re tle aletareng joale. Nyolohela mona motsotso feela, e re ke le rapelle. Haeba u itseba u ne u fositse, u batla ho ipolela hore u fositse. U batla ho ba Mokreste oa sebele ho tloha joale ho ea pele, tloo holimo mona ho pota aletare. Ha ke batle ho bitsa lebitso la hau feela, e—e ne e ke ke ea eba Bokreste. Holimo mono seotloanamoeeng, theoha, ona ke monyetla oa hau. Theoha joale! Tloo aletareng, ho re, "Ke a tla, Morena." Moetsalibe, e-ea aletareng, ona e ka ba monyetla oa hau oa ho qetela. Na u ke ke oa tla joale re sa... okono e sa letsoa hamonate, "Ke a tla, Morena, ke tla ho Uena joale." Ho lokile, bohole ba bine joale.

Ke a tla, Morena!  
Ke tla ho Uena joale!

<sup>202</sup> Na u ke ke ua tla? Theoha u tsoe seotlanamoeeng, theoha. Nyoloha. Ho ka thoeng ka lona, lona batho ba ipolelang Bakreste, Peo ea Abrahama? Molimo a le hlohonolofatse, basali. Molimo a le hlohonolofatse, likhaiseli tsa ka. E. Ruri Molimo o tla e hlompha. U a tšepahala. Mohlomong molisa oa hau o sitiloe ho u bolella ntho eo. E-ea hae 'me u nke Bibele ea hau, 'me u fumane hore e nepahetse, kapa che. U a tseba hore e nepahetse, le pele ke bua letho. Lona basali ba Pentekosta, le ke ke la itlotsa ka meikapo ho se lebaka. Ha ho letho ka Bibeleng mabapi le meikapo; haese Jesebele feela, o ile a itokisa sefahleho le lintho, ka ferefef le lintho. Empa ntho e teng mabapi le ho holisa moriri oa hau ka Bibeleng, "Ke ntho e tlotlolang ho mosali ho rapela ka hlooho, moriri o ponngoe."

... ho Uena!

<sup>203</sup> U batla ho loka ho Molimo, ka pel'a Sefahleho A sa le teng mona? Tloo! Ema, emela Eena! Ema ka maoto 'me u theohe, u re, "Ke a tla. Ke—ke tla etsa pontšo. Ke batla lefatše lohle le

tsebe hore ke fositse, 'me ke batla ho loka pela Molimo." Tloo hona joale!

Ke a tla, Morena!  
 Ke tla ho Uena joale!  
 Ntlhatsoe, ntlhoekise Maling  
 A phallang a tsoa Kalvari.

Hape, e mong le e mong!

Ke a tla . . .

Tloo. Ba bang ba teng kantle mono, hopolang. E, ke hantle.

. . . 'na, ntlhoekise Maling a Hau  
 A phallang a tsoa Kalvari.

<sup>204</sup> Ho na le batho ba ntseng ba tla, le lule le rapela. Joale, metsoalle, ha ke a lokela ho qophella. Ke a lumela Lentsoe le etsa mosebetsi oa Lona ha Le tsoela mono. U se ke ua soabisa Moea o Halalelang. E ka ba monyetla oa hau oa ho qetela; ke a t̄sepa ha ho joalo. Na le tseba seo e se etsang ho le bona le lumela hore le phoso? E mpolella ntho ea 'nete e le teng moo, e batlang ruri ho etsa ho lokileng. Joale feelsa ka okono feelsa, butle ha u rata, ke sa ntse ke bua. Tloong, lona batho, tloong hantle feelsa. Ke batla hore le 'ne le tle. Na le tseba seo batho baa ba se entse'ng? Bongata ke maloko a tiisetsang a kereke, 'me ba a tseba ke boletse 'Nete.

<sup>205</sup> E seng 'na. Joalokaha Moshe a theohetse mono ho bolella sechaba ka Morena; 'me Morena, tlas'a Topallo eo ea Mollo, a tiisa Lentsoe 'me a bontša hore Le ne le lokile. Eona Topallo eo ea Mollo e teng mona hantle le rona. Ke Kreste ea t̄soanang, ea etsetsang mongoaha oa Balichaba ntho e t̄soanang, joaloka ha A t̄sepisitse ho etsa.

<sup>206</sup> E etsa hore ke lumele eng? Hore le na le 'nete pelong ea lona. Ke eng e entseng hore u eme ka maoto? Hobane Ntho e ne e le haufi le uena, e ileng ea re, "U phoso." Joale eo e ne e le Molimo, hobane ba bang ba lona ba ikutloa ba soabela ho ema mona joalo ka pel'a batho, ka mora ho ipolela. Empa e bontša Ntho ena ea makhonthe E itseng, "U phoso," 'me E tla ka Lentsoe, ka temoho ea moea. Ka . . .

<sup>207</sup> Lineo tsee li romeloa kerekeng ka morero ofe? Neo ea pele ke efe? Ntho ea pele ke efe? Baapostola (e leng baromuo), baporofeta, baruti, balisa, baevangeli. Li etselitsoe phetheho ea Kereke ka bottlalo.

<sup>208</sup> 'Me Lentsoe la Morena le tla kae, ho mang? Lentsoe la Morena le tlile ho moporofeta, kamehla, ha e botsoe le ka mohla. Ha se neo ea boporofeta; neo ea boporofeta e holima e mong, e ntoo ba e mong. Moporofeta o a tsoaloa, o ne a reroe ke Molimo. Jesu Kreste e ne e le Mora oa Molimo, Mora oa Molimo a reriloe esale pele. Esaia o boleletse Johanne, Johanne Mokolobetsi, lilemo tse makholo a supileng le leshome le metso e 'meli pele a

hlaha, e ne le “lentsoe la ea hoang lefeelleng.” Molimo o boleletse Jeremia, “Le pele u bopjoa popelong ea ’mao, Ke u tsebile ’me ka u halaletsa, le ho u bea moporofeta oa lichaba.” ’Me ha le bona baporofeta ba hлаha, kahlolo e atametse.

<sup>209</sup> Joale, “Kahlolo e qala ka Tlung ea Molimo, ka batho ba Molimo.” Joale re phoso! Re sitiloe. ’Me ke a lumela hore ba lutseng mona bosiung bona, ke Peo ea Abrahama ’me ruri e reretsoe Leseli la Molimo ho khanya holim’ a lona; ha Leseli le e otla, ba tla ema. Ntho e tlameha ho etsahala, u teng mono! Joale le mona, ha re inamiseng lihlooho tsa rona ’me re ipolele phoso ea rona.

<sup>210</sup> Motsoalle oa moetsalibe, haeba ueme sehlopheng sena mona, etsoe ba bang ba le teng, ha le soabe; empa mahlohonolo ho lona joale, le e amohetse, le e lumetse ka pelo eohle ea lona.

<sup>211</sup> Lona Bakreste, lona basali ba tsebang, ke a lumela hore le basali ba lokileng. Molimo a le hlohonolafatse. Ke lumela seo. Molimo o ka le hhalosetsa maikutlo a pelo ea ka. Ha ke batle ho khohlalahala ho uena, khaitseli; ke na le mofumahali, le ’na, le ba babeli—banana ba babeli ba bacha. Ke u rata joaloka khaitseli ea ka.

<sup>212</sup> ’Me, moena, ke ne ke sa batle ho utloisa maikutlo a hau bohloko, empa ka linako tse ling ho khohlopa hanyenyane ka Lentsoe ho a u thusa.

<sup>213</sup> Joale, haeba re fositse, ha re reng re phoso. ’Me ho na le—mohau o teng, o a khapatseha, ho rona bosiung bona. “Ea ipolelang litlolo tsa hae, o tla hauheloa. Ea patang sebe sa hae, a ke ke a atleha.” Sebe sa hau ke sefe? Ho se lumele ha hau. Haeba u e pata, ho re, “Be, ke lokile hakaalo ka ba bang bohle.” U fositse. ’Me ha u sa tla suthela hojana ho feta kamoo u tsamaeang hona joale. U tla lula u le joalo, u ke ke ua tsoelapele ho fihlela u parola lerako leo u lokisa. Hopola, u ke ke ua e etsa; u tla lokela ho tlola Lentsoe la Molimo.

<sup>214</sup> ’Me ha feela u ntse u phela, u tla hopola sena kamehla. Letsatsi le lelelele ka ho fetisia leo u phelang, u tla hopola bosiung bona. Hopolang, ke le bolella HO RIALO MORENA! Ke ne ke lutse morung thapama ena, ke rapela, O buile le ’na ka sena mona, ho re, “E bue ’me u e bitse, ’me Ke tla u etsetsa ho hong.” ’Me ke ena.

Joale ha re rape leng.

<sup>215</sup> Ntate ea Maholimong, ka hlompho le ka botšepehi baetsalibe ba eme hara letšoelé lena hona joale. Ba tsoile setulong sa bona ba nyolohela mona, ho ipolela feela. Ho na le Bakreste ba tlileng, ba ntseng ba ipolela.

<sup>216</sup> Likhaiseli tsa rōna tse ratehang ke tsena tseo Leseli le halimmeng holim’ a tsona, tlase pelong tsa bona ba tsebile hore

ba fositse, ba tsebile hore Bibele e ruta lintho tseo, 'me joale ba ikemiselitse ho tela tsohle.

<sup>217</sup> Baena ke bana ba eme mona, baena ba ratehang, bara ba Molimo o phelang, bao, ka tumeloana le maemo a fofo, ba hlahlathetseng ba kena lefatšeng. Ba a khutla bosius bona, Ntate. Ba a khutla. Ba joalo, ke bana.

<sup>218</sup> Joale, Ntate, rea elelloa hore ha ba ne ba ema ka maoto a bona, ba robile; bo-ramahlale bohole, ba re u ke ke oa nyoloha, u tsetetsoe fatše. Empa eitseha ba phahamisa matsoho a bona 'me ba tsamaea ka tsela ena, ba pakile hore Moea o ne o le ka ho bona o ka etsang qeto. Ba e etselitse Kreste.

<sup>219</sup> Jesu, Mantsoe a Hau ka Sebele ke ana, 'me ke tlil'o U qotsetsa ona feela.

<sup>220</sup> Ke U nehela batho bana bosius bona, joaloka mohlanka oa Hau. Ke entse feela kamoo U ntaetseng, kajeno merung, 'me seo U se boletseng ke sena se etsahala hantle feela. 'Me lipaki tsa lintho tseo li teng, tse emeng mona. Ho paka ba Hau—Boteng ba Hau, U tsamaile har'a bamameli, ho bolella batho hore e ne e le bo-mang le kae...ba se entseng, le joalo-joalo, ho tseba batho, mabitso, le hore e ne e le bo-mang le seo ba se entseng, phoso ke efe.

<sup>221</sup> 'Me joale U boletse Lentsoeng la Hau, ho re, "Ea tla Mpolela pel'a batho, le eena Ke tla mo paka pel'a Ntate oa Ka le Mangeloi a halalelang. Ea hlajoang ke lihlong ka baka la Ka pel'a batho, Ke tla hlajoa ke lihlong ka baka la hae pel'a Ntate oa Ka le Mangeloi a halalelang." Joale bokhaiseli bana le baena bana ba eme bosius bona pontšeng ea litho tsa bona le balisa ba bona, le baratuo ba bona, ho bolela hore—hore ha ba hlajoe ke lihlong ka Uena, empa ba hlajoa ke lihlong ke tseo ba li entseng. Joale ke tiile, Morena, hore U ba tšoarele. U e tsepisitse. U itse, "Ea ipolelang libe tsa hae, o a hauheloe." 'Me ba ntse ba ipolela, 'me ba tla hauheloa. 'Me Uena Ea ka folisang bakuli, le ho re, "Na ha ho bonolo ho re, 'U tšoaretsoe libe tsa hau,' ho feta ho re 'Nka liphate tsa hau ut tsamaee?"'

<sup>222</sup> Ke tseka bana. Ke—ke tseka e mong le e mong oa bona, Morena. Ke lekile ho U emela lilemo tsena tsohle, le Lentsoe la Hau. 'Me ba U emetse bosius bona, 'me ke a ba tseka. Ke ba ntša litleneng tsa lefatše, 'me ke ba hlahaha ho Uena, Morena Jesu. Ke likhau tsa Molaetsa bosius bona, tsa Lentsoe la Molimo. Ba boloke, Molimo o Matlaohle, tlas'a Matla a Hau a Halalelang. Ba ke ba hole, Leseli la Molimo le halime bophelong ba bona. A banna le basali bao, Morena, ba qale ba hole matleng le boholong ba Moea o Halalelang. Ho etsahale se tla fetola likereke tsa bona tsohle le—le tikoloho eohle eo ba leng ho eona. Aba sena, Morena. Ke ba nehela Uena, ke ba Hau. Bona—bona ke likhau tsa kopano bosius bona, tsa Lentsoe le reriloeng. Ke tseka bophelo ba bona, ka Lebitso la Jesu Kreste. Ke batla ho kopana le bona mose oane,

mohla ba seng ba sa shoe, ba khutlela ho bahlankana le basali hape, ba eba bacha ba rateha kamehla. Ke ba Hau, Ntate. Ke likhau tseo Molimo a li fileng Mora oa Hae, Kreste Jesu, ka matla a Boteng ba Hae le Lentsoe la Molimo. Ke ba Hau, Ntate. Ke U neha bona, ka Lebitso la Jesu Kreste; le ho tseka bophelo bo bong le bo bong, bophelo bo bong le bo bong bo emeng mona. Boipolelo bo bong le bo bong bo a amoheloa, sebe se seng le se seng se tšoaretsoe.

<sup>223</sup> 'Me e mong le e mong ea emeng mona, ke—ke—ke rapella matla a Moea o Halalelang ka ho bona, ho phethisa, ho etsa ho lokileng, ho ba thusa horeng ena e lefifi mohla lefatše le tletseng phatsimo hakana. 'Me, oho Molimo, nthuse hosane bosiu, ho—ho ba tlisetsa eona e hloekile e hlakile, Morena; le ho itšoasolla phatsimong ea lefatše lena, ba tle ba itokisetse ho kopana le Kreste nakong ea ho Tla ha Hae. Aba sena, Ntate. Re a U lumela joale.

'Me re sa inamisitse lihloho tsa rona.

<sup>224</sup> E mong le e mong oa lona ea emeng ka maoto, ha ke lumele le tlide ka borata helehele, hobane le kene tlas'a thero e thata, e matla ea Evangel, e hlabang. Empa le a lumela hore Jesu o boletse seo, "Ha ho motho ea ka tlang ho 'Na a sa huloe ke Ntate oa Ka, 'me bohole bao Ntate a 'Neileng bona ba tla tla." Joale leo ke Lentsoe le tiisitsoeng la Molimo. O bolelete Abrahama, O ile a tsepisa le ho hlapanya ka kano, 'me ke mona le utloile Lentsoe la Molimo bosiung bona 'me le tla holim'a metheo eo. Le tlameha ho tšoareloa! 'Me lona bohole le e amohele le lumele hoba Molimo o le tšoarela phoso ea lona, 'me ho tloha bosiung bona ho ea pele, ka mohau oa Molimo, le tla Mo phelela bophelo bohole ba lona, le ho etsa sohle seo Bibele ena e le rutang ho se etsa, le ho lumela hore Molimo o le fa mohau ho e etsa joale, ka ho le tšoarela lintho tse fetileng; phahamisa letsoho la hau, le ho re, "Ke e lumela ka pelo ea ka eohle." Molimo a le hlohonolofatse.

<sup>225</sup> Lona Bakreste bohole kantle mono ba leng motlotlo ka bona, e reng, "Ho bokoe Molimo, ka lebaka la bona!" [Phutheho e re, "Ho bokoe Molimo, ka lebaka la bona!"—Mohl.] Ha re e bueng hape. "Ho bokoe Molimo, ka lebaka la bona!"

Joale ha re emeng ka maoto a rona, bohole. Ke batla sefela sena sa:

Ke a Mo rata, ke a Mo rata  
Hoba A nthatile pele  
Le ho lefella poloko ea ka  
Mane Kalvari.

<sup>226</sup> Ha re kopaneng bohole joale, e mong le e mong a se bine re phahamiselitse matsoho a rona holimo. Ho lokile.

Ke a Mo rata, ke a Mo rata  
 Hoba A nthatile pele  
 Le ho lefella poloko ea ka  
 Fateng sa Kalvari.

<sup>227</sup> Na ha le ikutloe le faliloe kahohle? Na Lentsoe ha le u hohle ka mokhoa o itseng le ho etsa hore u ikutloe u le betere? Na ha e etse joalo?

<sup>228</sup> Ha le lumele hore ke e—e—e mafosisa, ha ke re? Na le e lumela ho ba 'Nete? [Phutheho e re, "Amen!"—Mohl.]

<sup>229</sup> Ke ntse ke shebile Lengeloi leo la Morena hantle joale Lona le lebelang batho, le likile hantle ka holima seholpha sena se emeng hantle mona ka sebopoho sa sefapano. Molimo Leholidong! Setšoantšo se tšoanang le seo lona . . . Lengeloi leo le le bonang setšoantsong seo, le teng mona hona joale holim'a seholpha sena sa batho, le ntse ke potoloha feela, ke lula ke Le shebile, ho tloha sebakeng ho ea sebakeng. Ke a lumela, esita, hore boloetse bo bong le bo bong bo emeng har'a letšoelle leo bo nyametse. ke—ke e lumela ka pelo ea ka eohle, hore sebe se seng le se seng se tšoaretsoe.

<sup>230</sup> Ha rona feela—ha re tsukutlaneng ka matsoho ha re ntse re bina "Ke a Mo rata."

Ke . . .

E reng, "Rorisang Morena!" [Phutheho e re, "Rorisang Morena!"—Mohl.]

. . . Mo rata, ke a Mo rata  
 Hoba A nthatile pele  
 Le ho lefella poloko ea ka  
 Fateng sa Kalvari.

<sup>231</sup> Joale ha re Mo roriseng, re re, "Rorisang Morena! Ke a U leboha, Morena Jesu."

Re a U leboha, Morena, ka ho kenya batho ka hare, bakeng sa Lentsoe la Hau. Ke sabole e bohale e leolitsoeng ka n̄ga tse peli, empa E senola mehopolo ea pelo. E etsa bonnate. E bolotsa lefatše, nama, ho tlosa lintho tsa lefatše bathong, 'me e ba etsa libopuoatse ncha ho Kreste. Re U leboha hakakang, Ntate! Re U rorisa ka pelo tsohle tsa rona. Ke a U leboha ka bona, Morena. Ba ke ba tlatsoe ka Moea! Moea o Halalelang o ba nke feela taolong ea Oona, 'me ho tsuhe tsoseletso ea mehla ea khale har'a likereke tsena, Morena, hoo ho tla haola hohle har'a lichaba, hohle ho tla tuka mollo ka matla a Molimo. Re romele pentekosta ea sebele, Morena, matla a sebele a Moea a khutlele ka har'a maphelo a batho. Aba sena, Ntate.

<sup>232</sup> Ke ba Hau. Ka mohau oa Molimo, ke ba Hau. Ke Peo ea Abraham, ka t̄sepiso. Aba sena, Morena. Ba lumela Lentsoe la Hau; ntho efe e fapaneng, eka hoja e le sieo. Ba lumela Lentsoe hobane ke Peo ea Abraham. Ke ba Hau, Ntate, Kereke e

reriloeng pele ho phatsima letsatsing la ho qetela. Ke a U leboha,  
Ntate, ka baka la bona.

Ke a Mo rata . . .

Phahamisang matsoho a lona joale thorisong ho Eena.

Ke . . .

Holimo koana liotloana-moeeng! Ke hantle.

Hoba A nthatile pele

Le . . .



*JEHOVA-JIRE I* SST62-0705

(Jehovah-Jireh<sup>1</sup>)

LETOTO LA JEHOVA-JIRE

Molaetsa wona, ka Moena William Marrion Branham, o rerilwe sethatong ka Senyesemane Labone mantsiboya, Phupu 5, 1962, mane Municipal Auditorium, Grass Valley, California, U.S.A., o ntshitswe kgatisong ya teipi ya makenete mme o ngotswe o sa kgaolwa ka Senyesemane. Petolelo ena ya Sesotho sa Borwa e ngotswe mme e abjwa ke ba Voice Of God Recordings.

SOUTH SOTHO

©2022 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE  
58 DISA ROAD, ADMIRAL'S PARK, GORDON'S BAY 7140 WESTERN CAPE  
REPUBLIC OF SOUTH AFRICA

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Temoso Ea Tokelo Ea Qopitso

Litokelo tsohle li babaletsoe. Buka ena e ka porintoa ka porintara ea lelapa molemong oa motho eo kapa ea abjoa, ntle ho tefiso, e le thepa e jalang Evangeli ea Jesu Kreste. Buka ena e ke ke ea rekisoa, ea boela ea hilahisoa ka bongata, ea manehoa leboteng la website, ea bolokoa ka tsela eo e ka boelang ea ntšoa, ea fetoleloa ka lipuo lisele, kapa ea sebelisoa ho qela matlole ntle le tumello e ngotsoeng ea Voice Of God Recordings®.

Ho fuoa boitsebiso bo bong kapa bakeng sa thepa e nngoe e ka fumanoang, ka kopo ikopanye le:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)